


APR 7 1933

匡山隨筆

崇
西
正
月
益
下
署
簽



渡人寶筏

崇
西
正
月
龍
度
題



匡山隨筆目錄

插圖

序

弁言

論著

從現代社會情形述及……以期宏揚佛法救人救世

武穴舟中談話記

紀遊歸宗寺金輪古塔以後的顛倒夢想

參觀蔣重啞居士佛畫展覽會記

記義牛

淫不淫報

死而復生之近聞三則

果報三則

雜詠

山居四首

與普超同學

感懷

步張南垣居士原韻

自勉

閱報有感

書 牘

致杭州月塘寺源清和尚書

復寧波觀宗寺寶靜法師函

致陸軍第八十五師謝慧如師長函

附謝慧如居士來函一 附謝慧如居士來函二

敬告陸軍第八十五師謝慧如師長寓兵於農工商賈以救國難之建議書

附謝慧如居士來函

致陸軍第八十五師駐漢辦事處毛夢仙處長函

附毛夢仙處長來函

致陸軍第八十五師駐漢辦事處汪叔平秘書函

附汪叔平秘書來函

復陸軍第八十五師駐漢辦事處劉天俠副官函

附劉天俠副官來函

復劉慧空居士函一 復劉慧空居士函二

附劉慧空居士來函

附 刊

淨土捷要

余年四十一決念護頭陀不通宗與教不問會也屢持齋學齋公拜佛學佛婆遨遊作麼生但
念阿彌陀行也阿彌陀坐也阿彌陀盡此一報身不離阿彌陀彌陀慈愍故故念阿彌陀如子

像肖近最靜寬提羈



憶慈母母子樂如何達人休笑我同
我念彌陀念念常清淨頓超勝禪那
思專故想寂寂照圓彌陀彌陀親接
引閻老喚奈何南無達摩耶南無僧
伽耶南無觀自在南無阿彌陀南無
阿彌陀行願莫蹉跎諦信不疑者決

定見彌陀

中華民國十九年八月一日

羈提寬靜述於叙府佛學社

南無阿彌陀佛

願我臨欲命終時	盡除一切諸障礙	面見彼佛阿彌陀
卽得往生安樂刹	我旣往生彼國已	現前成就此大願
一切圓滿盡無餘	利樂一切衆生界	彼佛衆會咸清淨
我時於勝蓮華生	親覩如來無量光	現前授我菩提記
蒙彼如來授託已	化身無數百俱胝	智力廣大徧十方
普利一切衆生界	乃至虛空世界盡	衆生及業煩惱盡
如是一切無盡時	我願究竟恒無盡	我此普賢殊勝行
無邊勝福皆迴向	普願沉溺諸衆生	速往無量光佛刹

江 西 廬 山 黃 龍 寺 古 學 校 成 立 攝 影 紀 念



序

曩嘗披閱內典見佛經浩瀚精微拔救三途八苦其功德不可思議殊爲不易究極及觀近世名僧太虛印光各大法師講演佛旨揭發真常細而窮諸日用飲食之末錫而推諸家國人大之際莫不有佛之教理行果關係始知我佛如來對於衆生一切有情是心作佛是心是佛卽念念佛卽念成佛不可以拘墟論不能以執相求竊有志嚮往而我馬頻年未能專精探討殊引爲憾焉壬申仲夏奉家大人諱適在崇陽防次違遺訓未克奔喪乃虔陳迎 屏提寬靜法師於匡廬之黃龍寺領高僧數人來崇追薦先靈往生西方稍盡子道並爲陣亡將士及受災民衆設醮超度冀弭浩劫而挽和平齋戒壇場越七日功行圓滿不慧苦塊在疚叨聆佛法真諦恍若靈山一會甘露醍醐遂就師討論佛典與在家修持要典辱蒙示以釋迦牟尼淨土法門統攝禪宗教律至簡易行頓開覺路復延師分赴崇陽學校商會監獄及我部隊運運其廣長舌善提心講演佛陀教理之有益於人心社會者一時聽衆啓發正信不少崇人士至今猶念之別後數月郵函往復所以闡明真如者綦詳並拳拳於剿匪期間衆生苦惱戒無妄殺其本佛旨以度世救人之懷抱蓋已大可見矣茲出示所著匡山隨筆一冊首以太虛法師佛學講要開其端中以平時見聞因果證其真信衆言論祛其惑末以慈山老人淨土捷要明其歸

有隨人隨地隨時言佛之旨趣導引隨修卽淺見深宜其隨筆言佛是佛也囑爲序言將付剞劂以廣流傳而揚佛化不慧於佛學向無所得幸由師而勉學之門閥未通安窺堂奧雖然昔晉代吾宗靈運前輩嘗與蓮宗初祖惠遠上人作詩銘以遺奕世今旣與師締茲香火因緣是又烏可以不於隨筆有所言乎爰述巔崖而爲之序

佛曆二千九百五十九年歲在壬申十一月中浣銅仁謝慧如謹撰

序

壬申夏謝師長晦如在崇陽防次奉外諱延匡廬高僧薦之漢口爲廬崇往返必經之區釋屣提寬靜法師志行高潔蜚聲於時余從公漢上奉命迎餞得晤法師聆佛旨知人間世一切皆在我佛慈悲中並讀崇陽講演集感其以佛理救世婆心曾作叙言刊印數百本佈諸崇人多所啓悟雖佛陀教理昭著於古往今來而法師推闡醒世之功爲何如哉茲法師復寄匡山隨筆一編詳舉佛之行果教理及所見聞因果報應與夫辨論精研要旨爲有志於淨土者示其旨歸余讀之重有感焉法師嘗自述身世歷經戎馬艱危仕途險僞洞澈惡魔之汨擾世道迷夢之陷溺人心惟佛法能包舉而廓清之亦惟佛法能救濟而超脫之乃投身作佛弟子發大願王誓以至誠導衆生於正法平等於是本其參悟發爲言論播諸詩歌一一列載隨筆卽淺可以喻深卽微可以知著使人觀之得所深省以趨佛法師之能自拔於娑婆世界而復能以向佛之精誠作衆生之勸導前者出廣長舌如深夜清鐘今者發菩提心如春風時雨隨事思佛隨念敬佛隨筆言佛不啻撥雲見日臨水映月一俯仰間覺日月之所照皆我佛之大觀是編一出誠大有益於社會人心又豈一時講演所可比擬也哉假使衆生得見此編余知佛力感化必將同時回心向善如法師之所期望善人日多而惡人日少敢斷言之曰其功不在

禹下法師誠善推佛心者也爰復書數語促付剞劂以祝其成功
中華民國二十二年元月 日松桃毛定松夢仙氏序於漢皋

序

人之生也有涯而戕賊也無涯以有涯隨無涯殆已風霜雨雪之所剝蝕山川險阻之所疲勞虎豹豺狼之所侵凌驚蟲毒卉之所殘害以及飲食男女災稔疫癘水火刀兵刑法制裁與夫萬惡社會萬惡金錢險異詭奇不可殫述在在皆足以戕賊吾人人生不過數十寒暑耳孑然此身無日不在憂慮恐怖中隨時有可死之道豈不危且殆哉然則吾人將如之何以處世而保身乎古聖賢垂教立名示人以誠正修齊整躬率物祇可以律君子而不可以遏僉王矧今世科學昌明天演愈烈舉前人之防閑而胥破之轉相非議禮教謂不足以生存優勝劣敗弱肉強食之說行且爲世界所公認毀冠裳羅兵車逞淫慾恣殺戮爲善者日少爲惡者日多同室操戈骨肉相殘光怪陸離幾如洪水猛獸雖死者盈城盈野咸熟視若無睹惟有心世道者怒焉深憂求其故而不得乃恍然於佛家者言衆生作業魔王降世我佛運大智慧發大慈悲誓以無量無邊法力而挽救之前因後果歷歷不爽故今世提倡佛學者廣釋內典欲使人人自悟多生業報各切皈依回頭是岸俾惡魔無所逞其餒胥此志也余愧業重涉世五十年周游半中國飽經憂患備歷艱難少時與共娛遊者無幾人中年與共憂樂者無幾人晚近則汲汲衣食室家交謫而相恤相關者復無幾人今秋我姪定宇且因環境惡劣貧病交加飲恨而

客死更皇皇乎莫可如何方日夕呼號我佛有以照臨而此心始稍卽安也廬山黃龍寺釋寬靜法師前在崇講演佛法編製成集嘗披閱有所感悟爲之作跋第語焉不詳未盡所懷茲法師將復刊匡山隨筆其於佛陀教理及人間世形形色色尤多闡發無異晉代竺法汰師所說六通三明之道同歸於正座下皆得領悟也余知此編所舉聲聞緣覺之理作衆生寶筏廣渡迷津凡今之人烏得不各手一編耶殊感觸於余心因摭懷而爲之序

中華民國二十一年嘉平中浣皖桐汪志俊叔平甫序於漢皋軍次

序

余衣食奔走僕僕風塵空餘硯北之身莫究內典之理每見仕途艱險人心詭譎恬然不知廉耻爲何物卽平日傾吐肺肝疑若可以託生死者一遇患難或小利害則漠不關心且深恐相浼焉豈歐陽子所謂天地閉賢人隱之時與抑其人逃於寂寞清靜之域而隱於浮屠氏與民國二十年春余歸至汴洛盜劫於途資囊淨盡且損失公帑千餘金典質不足以償有力者亦熟視而莫覩室人日夜焦急因以致病醫藥罔效余隻然一身形影相弔聞取釋氏諸經而虔誦之頗得其所謂清淨寂寞之理旋因涸跡戎行喜交毛夢仙先生先生仁厚宏通君子也於經典多所默契因公余奉命之廬而更喜識寬靜禪師途中與師追談往事知師昔曾馳驅戎馬率千百健兒持干戈以衛黨國者蓋師於民國十三年曾任川師團長之職焉今雖遁跡空門參究佛法而英毅之氣慈祥之懷不覺流露於言詞之間其於佛法也事理圓融思想純潔以觀心爲妙用以淨土爲歸宿然則師豈摩詰之再來耶抑叔季之世天地閉賢人隱而血氣剛毅之士多逃於浮屠氏而欲度盡無量無邊衆生耶一日師郵寄匡廬隨筆示余並囑任校刊之役余受而讀之中頓皆契體用全彰卽師與余平日所言之旨而隨筆較詳焉亟募印千五百卷惜余孽障未除迷途難返不獲長侍蘭陀常依淨土用爲恨耳如或靈山會上未盡前

匡山隨筆

緣他日與師談經青豆之房共證菩提之果者非他人必余也夫
中華民國二十一年季冬湖南瀟甯慧空序於漢皋軍次

弁言

斯時何時豈非社會紛亂經濟恐慌一班時髦人物誤認馬克思主義的進化論和唯物史觀可以解除人們的痛苦演成階級鬥爭而致屍骨堆山血水成河的共亂時期乎嗚呼當此異學爭鳴羣蛙亂鼓全人類都爲物質文明之所束縛在此物競天擇之下造成帝國主義與弱小民族及有產無產階級對立鬥爭的慘苦世界非以一切衆生皆有佛性的平等佛法爲之救濟僅以軍事政治的功利思想爲之壓制終難免於循環式的屠殺而致亂無已時是故我不敢斷言曰當今之時若欲離開『無人相無我相無衆生相無壽者相』的平等佛法和『不殺不盜不淫不妄言不綺語不兩舌不惡口不貪欲不瞋怒不邪見』的十善業道專以軍事政治來謀人類的自由幸福那是萬不可能的何以故蓋世間的軍事政治都由物質聚合轉變而來的是『物競天擇適者生存』的鬥爭現象是『弱肉強食天演公例』的進化產兒試問他的出發點既由勢利洶湧的洪濤產生那裡還能大公無我的造成理想的人間淨土是以太虛大師嘗云十善業爲造成人間天國之正因到人間樂園最切實的路徑若欲達人類安穩快樂之目的卽在奉行不殺不盜等的十善如能實行此十善業無有不得成就的現在世界相殺相鬥皆因肆行十惡不行十善假使人人能行十善立可成爲安樂世界所以現今人類

的痛苦皆由不行善業因此由個人而社會而國家而世界成爲一個痛苦的苦海但世界上凡有思想的人無論是宗教家或各種學問家都希望構成相親相善之安樂世界但是若能行十善業則古今聖賢理想中的天國皆能實現出來若中國所謂的大同之世和西洋人理想的黃金世界皆不難實現的只要將十惡業改成十善的行爲即可轉五濁惡世成清淨的樂國這是今日世界人類普遍的刻不容緩的要求若人人知道佛法的真正意義在各人明了法爾因果之理而反求諸己唯在切實的奉行十善業不要怨天尤人也不要向外馳求責任是在自己不得推之環境或卸於他人或怨社會制度不良或尤物質條件不備抑或不求之於人於物而求之於上帝與鬼神或佛菩薩倘若放棄自己而一味求神求物要將世界社會改善過來這是決不可能的若能先將息的十惡業改成十善行然後禮念彌陀求之於佛方能有效昔孔子有疾子路請禱子曰丘之禱久矣可見向外求物求神是無用的要能修身正己勸人人奉行十善乃能挽回世道人心也不惑本著親教大師太虛上人救人救世之旨不畏人言不惜口業陳述現代果報實錄集此佛法通俗文字訂名匡山隨筆求正於我大德居士之前者就是這個意義若自詡鍼砭末俗是則余豈敢哉

佛曆二九五九年觀音大士出家日
 中華民國二十一年十一月八日
 屢提寬靜謹述于江西廬山黃龍寺

論著

從現代的社會情形述及太虛大師的佛學講要並論中國的現代僧伽

應當低諸成見力謀新舊攜手以期宏揚佛法救人救世

現代社會情形的紛亂與夫世界經濟的恐慌論者莫不歸咎於有權有力的官僚軍閥以及自私自利的政客豪紳因為他們都是一些輕率褊淺和虛偽無誠的偽黨人真流氓平素間祇知道陞官發財勇於搗亂毫無建設的精神和聰明的策略試問這些偉大人物對於民生的疾苦社會的情形既已漠不相關何能改善不良風俗以期振刷精神剷除積弊而謀公共利益建設擁護民衆大羣的維新政治乎嗚呼當此社會紛亂之時民窮財盡之日環球民衆望治方殷而當局者蠅營狗苟樹黨謀私擁兵自衛殘民以逞專以喚起民衆組織民衆的口頭禪攫取政權破壞世界希圖個人慾望之滿足不惜擴充一切殺人流血的經濟學術物質文明殊不知物質則文明矣而精神則愈受刺激焉竊自歐化東漸以來吾人所獲的代價就是自由相碰蠻觸戰爭卒成大併分裂之局以致天下騷然社會紛亂盜賊蜂起民不聊生據此而論所謂軍官政豪固然不能辭其咎戾然而盲從迷信於赫胥黎馬克思達爾文輩的大人先生們青年俊秀們亦當回光返照深自猛省何則蓋現代的官僚政客他們都是過去的莘莘學子而未來的軍閥政客豪紳安知不是現在的青年同志乎夫以官僚軍閥政客豪紳

同化的偽黨人真流氓欲假其貌似神離的無謂政治喚起民衆共同組織一個大規模的國家社會固然不啻自暴自棄惡政迫令民衆乖離釀成世界紛亂而致自誤誤人誤盡天下蒼生然而迷信科學萬能專講機械致富的歐洲各國迄今已成強弩之末各國失業工人動以千萬億計世界經濟因而恐慌環球民生由斯窘迫四顧宇宙消耗過極民力已竭財力益枯可勝歎哉吾人正望全人類咸皆克勤克儉趨向於布衣蔬食之途以維經濟的危機而杜社會的紛亂無如喪心病狂者流偏要拾其唾遺以煽驕奢淫亂之風而倡共產共妻之說甚至家庭革命提倡法律以外的自由父子聚斃公開不近人情的獸慾更可怪者人狗相交嘗見乎新聞報紙裸體運動咸認爲絕對文明嗚呼此而不戢吾恐今後社會之光怪陸離殆有甚焉者矣方今社會紛亂的大概情形已如上來之所陳述姑無論其爲君主主的國家民權的國家以及什麼五年計劃成功的蘇維埃政治化假使道德淪亡信義不彰爾詐我虞虛僞不實法律必然失效民心必然難集矣試問民意既去而欲組織强有力的健全政府以期『勵精圖治』長治久安其可得乎其可得乎溯自歐戰而還各國人士咸欲遏止兵燹消弭戰禍以謀世界的永久和平而維人類的自由幸福吾人正抱『樂觀厥成』之念希望全宇宙自茲以往一變而爲清淨莊嚴的大同世界嗚呼曾幾何時而太平洋的驚人巨浪又將引起世界上絕大的戰爭矣富今之時變亂莫測所謂國聯盟約非戰公約九國公約以及莫名其妙的什麼外交

政策能否『聯吳越爲一家化干戈爲玉帛』以期世界和平相安無事吾人雖不敢加以肯定之詞惟是世界經濟的危機緊張與夫歐美蘇俄的互相猜忌日本帝國之悍然發動積極經營中國內部之意見分歧民生凋敝無在而非物質文明之功利化造成空前大戰之暴發時機也蓋中國之地大物博早爲列強注目咸欲需此廣土衆民而爲世界之改造者久矣假使中日之戰爭延長當然變爲世界大戰而演修羅之慘劇吾人處此四面楚歌之中確由衆生之共業感召所致若欲徼倖避免空前的外侮是誠非易事矣當此危急存亡之秋國與賊不能兩立逆料當局諸公協議嘉謀應付環境亦惟採取『急則治標』之法從速統一軍權化除個人私見秣馬厲兵以圖『孤注之一擲』也此卽諸葛亮所謂『戰亦亡不戰亦亡與其坐以待斃何如戰而圖存』之萬不得已耳然欲發揮充分的抵禦而作長期的奮鬥實非當局者之『克誠披露求哀懺悔』自動屏棄私人的恩怨以及貪污狹劣的行爲力謀建設維新的政治廉潔的政府以求民衆共同努力上下一致萬人一心的長期合作不能操必勝之左券而達守土之目的但是兵連禍結勝負難期剋肉補瘡殊非長計若欲根本免除戰禍而消弭世界競爭尤非喚起日本國民制止軍國主義的盲目行動恢復兩國親善交還東北所有失地而以最高無上的佛陀教義向外宣傳打破偏重於科學萬能之盲從迷信改善其悍然抹煞東方文化的褊淺心理不能完成世界上理想的軍縮會議剏造當來的人間淨土諸君試

一思之不慧管窺蠡見豈背汪精衛先生所謂一面抵抗一面交涉的原則乎若惟恃其武力的鬥爭偏重於物質的文明結果必致兩敗俱傷同歸一盡而已蓋物質文明的結晶無在而非增長人們貪嗔癡的惡業是則不至殺人流血不能達到科學萬能之最後目的也試問欲以惡因而收善果古今中外有是理乎惟願全世界的武人政客們立即放下屠刀勿再自縛自縛然而科學亦非全不可用但勿恃爲至高無上絕對萬能推翻一切倫理道德以及救人救世的佛陀教理蓋佛學足補科學之偏曾經總理一語道破並且「宗教在造成民族的力量中也很雄大」與夫仁之種類有救人救世救國三者其性質則皆爲博愛何謂救世卽宗教家之仁如佛教……以犧牲爲主義救濟衆生當佛教初來中國時闢佛者頗多而布教教徒乃能始終堅持宣傳其主義占有強大勢力……此所謂「捨身以救世宗教家之仁也」上來所述都是我們中國國父孫中山先生的遺教凡屬忠實黨員皆當銘諸座右以謀建國方針竊余弱冠時嘗讀李鴻章傳因見中國外交着着失敗君主蒙塵在在堪憂遂本「國家興亡匹夫有責」之義毅然投筆從戎努力革新運動委因改革而還日事鎗林彈雨轉戰於雲貴川鄂各境倍覺百事更張田疇不治經濟恐慌民多流離則又憤然興慨思欲改良學術以期挽救頹風故於軍書旁午戎馬倥傯亦嘗攷究諸主義學說未敢稍事放逸然歷十年之久依然一無所得嗣因北伐失敗意志銷沉已如吳秀才的一誤再誤馮將軍的日暮窮途悵悵

然同是一般苦惱比值『山窮水盡疑無路』的當兒欲覓『柳暗花明又一村』的境界乃遁跡峨嵋皈依三寶原思薙髮披緇而度隱逸的生活其時以爲最高無上的如來遺教就是遷世山居以求避免塵寰擾攘流爲無懷氏葛天氏之太古民衆祇緣不識『地獄不空我不成佛』的大乘教義是故對於『生爲獨鶴歸何益死在名山樂有餘』之句靡不三致意焉後從我們僧伽先進之性空和尚游辱承指示法要始悉佛陀教義含有充分理由確能解決科哲大家不能探討的宇宙原素和人生真理嗚呼值此異學爭鳴時代思想紛亂吾人認爲非以至高無上博大精深的佛陀教理爲之調和攝授不能補偏救弊領導羣衆同趨正軌倘諸君有疑吾言請就佛法中的『因明』『唯識』諸論與世界上的『唯物』『唯心』等論互相比較一下必拍案驚奇心悅誠服矣蓋佛法是理智的非迷信的是普遍的非狹劣的是大同的非局部的是互助的非獨善的是積極的非消極的平等平等非一非異再進一步來說佛法就是佛法非『宗教』的非『科學』的非『哲學』的又可以說佛法是『宗教』的是『科學』的是『哲學』的所以者何蓋因衆生乃萬有不齊的佛陀是隨機演教的是故三藏一十二部經典包含着世出世間一切的『宗教』『學術』而有『人』『天』『乘教』『聲聞』『乘教』『緣覺』『乘教』以及『無上正等正覺』的『佛陀』耳惟惜一班時彥並不問其有無研究的價值恒以束縛思想妨礙進化的『宗教』目之倘再執迷不悟豈不大可悲乎何以故蓋過去的名流如楊仁山章炳麟梁啟

趙先生現代的聞人如歐陽竟無王一亭唐大圓居士以及軍政教育各界的朱子橋陳銘樞蔣特生戴季陶蔡元培梁漱溟等對於佛陀教義俱認為確能解決「宇宙」「人生」的真理者竊以上諸公均屬知識界的海內人望豈其學識反不如信口雌黃的時髦人物乎惟愧不學無術的我以一腦筋簡單的落伍軍人一變而為學佛無狀的「啞羊比丘」所謂「身雖出家心不染道」言念及茲慚愧極矣邇來荷蒙諸大知識的教誨雖知研究「性」「相」各宗以求真理崇尚「淨土」法門以謀歸宿無如『業重福輕障深慧淺染心易熾淨德難成』處此需要佛法解除痛苦之際愧無充分理論代表愚誠而為當世介紹可堪告慰者前次親教大師太虛上人蒞廬消夏於大林寺演說之「佛學講要」寬靜尚能記其大略茲特表列如下藉以糾正上來之謬說焉耳

(一) 佛學之特質

(業果)

(根身器界或衆生世界)

(1) 自然之改造與順成

(2) 真如之親證與應化

(3) 理論之超越與施設

(4) 定通之習得與銷融

(5) 即有之空與即空之有……不常不斷中道

(二) 即悲之智與即智之悲……不苦不樂中道
佛學之全景

(1) 果……教

(2) 教……理

(3) 理……行

(4) 行……果

(三) 佛學之較量

(1) 佛教之教與宗教

(2) 佛學之理與哲理

(3) 佛理之色法不相應行法與物理學生理學


(4) 佛理之心心所法不相應行法與心理學

(5) 佛理之因明與論理學

(6) 佛行之律與經世學——倫理學法學經濟學等社會科學

(7) 佛學之禪與衛生學

(8) 佛果之超越親證禪定神通與神秘



(9) 佛果之施設應化與文藝美術

(一) 佛學特質

太虛大師曰佛學祇是佛學今就佛學提出其特殊點畧講如下

(1) 自然之改造與順成——「改造」與「順成」是相反的「自然」是用的通俗名辭今人以人類及世界萬物統名之曰自然界而改造自然界則爲佛學之特質蓋自然卽俗語「天生成的」「生來就是這樣的」此在各教各學大抵皆遵循唯謹如道家謂「道法自然」儒家之天命亦卽自然科學雖倡言征服自然事實上仍是根據自然法則以爲利用而已故改造自然爲佛學之特點然佛學不謂自然謂之衆生世界或謂之有情世間及器世間明其是業果而非自然乃有情衆生行爲造作所集成的結果然業果復有共同與各別之兩種如社會行動而得同一之結果爲共業果個人行動而得各別之結果爲別業果其共業果復有大小之不同其大者由衆生共業而成世界之果是爲共中共其小者如以一民族共業而成國家之果是爲共中共由此業果以成爲衆生世界(卽自然界)所以佛學不認爲自然而認爲共業與不共業所發生之結果業之造成雖藉種種關係條件而其主要的發動力則出於各人及各有情的識心所以各人皆可從自心上去改造復次改造自然又有淺深凡業皆從身語意所生於身語意之發動處時時改惡存善亦能造成善果如一家善則一家和美一團體

善則一團體優良推至全世界亦莫不然然此種改造佛法仍未認為徹底僅等儒家之非禮勿視聽言動等而其出發點之心於宇宙萬有之事理還是不明佛法則更要在業的發動處去追求宇宙之根源乃知其原動力胥出於半明半昧之無明心以無明故不免於錯誤故仍無可靠之道德標準此「無明」卽佛說生死循環之十二因緣中第一支因爲衆生心皆半明半暗的無明心以此心爲發動機結果終難盡善其非正本清源之改造可以概見故欲根本改造非轉「無明心」而爲明心不可（如禪宗明心見性的所謂明心）此則必須修禪定而生般若方可解脫由煩惱而起之種種惡業正如夢心中（無明心）發現種種夢境一經覺來（卽明心）便失夢境此從消極方面說故云解脫若能運用此由「無明心」轉成之「明心」照知一切事理之真性發揮真性中所具足之真實功德妙用將一切由煩惱結成之濁惡世界一轉而爲清淨妙嚴之勝妙國土是皆由「無明心」變成「明心」的結果此爲佛法於自然改造中的澈底改造若能運用此心以改造人世間方可改造天災之自然界此皆吾人平等具有之自心力量亦人人所能達到而無或缺蝕的真實功德由此力量改造的結果是爲佛法中之出世法亦卽佛法之本質然佛法從隨順世間方面講亦說明種種世間之因果法如說由上品十善業力得生天之果中品十善業力得生人之果下品十善業力得生阿修羅等神之果反之則爲十惡上品地獄果中品餓鬼果下品畜生果此爲佛法中隨順世間所成之善

惡因果的說明雖佛法本質在超脫於六道但同時於循業受報之六道衆生亦爲說明雖佛法本質在超脫於六道但同時於循業受報之六道衆生亦爲說明善惡因果以資方便救濟若人未得最高智慧以頓斷無明而能於善惡因果承認無疑便可逐件改惡從善使善果日增惡行日少推及於世人不休不息則於改善人世之行業亦庶幾矣此條所講只及其輪廓若欲知其究竟請看太虛昔在廣州所講的佛乘宗要論

(2) 真如之親證與應化——真如親證是佛法特點中之特點亦即佛法之真骨髓何謂「真如」換言之即真是如此乃指改造半明半暗的無明心徹底變成「圓明的心」(即阿耨多羅三藐三菩提心)此心便是佛心由此心真真見到之一切的實事真理名爲真如此真如實相唯佛所明故法華經云「諸法實相唯佛與佛乃能究竟」但所云之佛乃通指十方三世諸佛者佛與衆生之程度雖有不等而佛性則平等故現前衆生亦皆是未來諸佛又此真如實相雖唯佛方能究竟而得到相當程度之覺有情(菩提)亦能證到少分但此須個人親證雖聞佛說及依佛經論理解真如義相仍不過如觀廬山之畫而非親見廬山佛雖說真如而說實非真如故須親證此真如要用根本無分別智親證如「白」原不知其爲白要用相對待之「非白」方能明了所以常人之知識皆是對待分別若無菩薩地上之根本智但憑衆生心中之對待分別絕難實證如古今一班禪客稍得輕安便誤認爲證真如實相殊爲大謬以

此境爲佛智境乃佛智徧一切法之境界也安住佛境應永隔衆生然在菩薩未證真如以前以大悲願力普度有情更願有情皆得究竟安樂由是證真如以後現種種身種種國土而應種種衆生世界之機感化度衆生衆生聞法修行而又達到真如實相之親證以所證得復興方便爲衆生說其證得之境令衆生悉能證得於是成爲流傳世間之佛學

(3) 理論之超越與施設——佛學有極精深而圓滿的理論「經」爲佛所證理與修證法之說明「律」是行爲上之軌範「論」屬佛弟子研究經律所造其各部論之理論非常精密李協和先生所謂最高哲學是也此精深之理論實足以盡吾人智量研究而不窮然其特質仍不在於此故云超越如佛陀說法四十九年結果尙云未說一字然佛非無說而且說無不盡但因說到的並非就是真如實際僅說明其趨向與方法而已又如廬山之畫實非廬山其畫中之所表現者影像而已故欲達到真如實相當從澈底改造自然界煩惱等心再去深造由深造所得之結果則爲親證之真如實相若但依理論上之說明即便認爲真如是根本上大大的錯誤復次理論之說明在揭開虛妄之境藉以顯示真如實境故又名開示然可因理論而明經律以了達修証途徑者是爲依教明理故有種種佛學之施設以洪世人研究使學佛之人有趨向的標準因而進証真如故欲達到真如實境仍不外乎理論故佛菩薩親證真如後乘其願力以其所得藉言說之方便而施設諸法覺濟羣萌

(4) 定通之習得與銷融——「定」卽禪定「通」謂神通修習禪定在使精神力得以集中而統一如國家之有組織而能集中統一則可發生政令上之偉大功用在未加修習禪定以前之見聞覺知散漫紛亂故須禪定爲之攝持使精神歸於一致則極微之音極細之色不難察覺久久功深便得神通又以功力之深淺而別程度之高底如稍得靜定卽能聽微細之音等實非奇事邇來禪客稍得輕安或與定心少分相應便以爲得聖成佛須知佛境淵深證果不易凡修行之人未到真如之境不應誇大自誤前程復次修禪方法不一總以令心不散亂爲主而不必堅執靜坐之相若見不常靜坐之行者便斥爲非修行之士其不明禪理可以概見但禪定神通雖可藉修習力以得之究竟亦不過對治散亂發見本來寂靜光明證知一切法本來如此其一切神通變化當下便是古法云動亦禪靜亦禪經云如來常在定無有不定時故雖現種種身說種種法無不在定中是爲如來之大寂滅定在定中照見一切法界衆生皆融通於法性中本是圓明通達故無別所謂禪定神通之相到了親證真如平等法界而全法界以成一身編法界無不圓明了知故無一見聞覺知而非神通之大光明其見聞覺知之所行境無不是禪定更何禪定神通可得故習得之定通皆消融也若執有習得之禪定神通卽非佛法之禪定神通

(5) 卽空之有與卽有之空……不常不斷中道——心經云色卽是空空卽是色受卽是

空空卽是受等卽卽空之有卽有之空之義約分兩段說明第一段又分二（一）一切事物說名爲有其實非有以世人執爲事物之實有體與實自我佛經謂爲我執法執文謂爲徧計所執然此皆爲妄情上錯認爲有而實際上並無有我及物體可得故有卽空（二）佛說一切法皆因緣生唯識現雖有而假以無固定之體可得故三界萬有皆由許多關係條件組織集合而成一切事物既無實體悉由衆生之知識所現同時又經心識之變化剎那不停雖假體亦難立定故名爲空以上二種一以徧計唯妄執故二以依他之有爲幻有是爲卽空之有第二段由妄計之我法皆空所顯的真如實相（卽明心見性之真性）是真有是亦卽空之有換句話來說佛法所明之有皆卽空之有所明之空皆卽有之空顯得佛法是有空皆非空有不離顯不常不斷之中道又通常之所謂常者是固定性斷謂斷滅佛法則不然以卽空可顯之有卽非有亦復非空卽有所顯之空空卽非空亦復非有故不常不斷又離却妄執之空所顯得的真如實相方爲真有此爲普徧所顯真理世出世法無不周徧故不常不斷爲佛法之中道主義也

（6）卽悲之智與卽智之悲……不苦不樂中道——悲者悲痛大悲者非屬於自身之苦痛佛法之慈悲俱屬救濟衆生而有故凡興一慈念必以悲爲出發點其慈方堪稱爲佛法之慈故凡佛徒不問自身之苦痛爲如何其所措施皆屬救濟衆生之苦痛以衆生之苦痛卽爲

自身之苦痛故名同體大悲衆生之苦痛既除更須令其得究竟樂是爲大慈以出自本性力故又名無緣大慈是佛法之慈悲較普通之慈悲爲深切而澈底然悲雖深若乏於智慧仍未盡善如從水救人須先知水性與方便工具等故佛稱一切智人有徧一切無不了知之智此智兼大悲相輔以行惟利無弊否則利人無功而自害尤甚然其智慧亦須從大悲心流露出來又應先明空有之理始爲究竟故發菩提心人以悲願爲出發點而復具甚深之智慧者則救濟工作不虞危險如科學之精雖能利人若無廣大之慈悲心一經應用便成殺人之工具不特害人且害世界是皆悲智不兼具有致之苟能智悲雙運理事融通者是卽菩薩之道行爲但菩薩於度生期中不計其苦不著其樂是爲不苦不樂智悲不二之中道若此行未臻圓滿是爲菩薩圓滿時便成佛道以上所講可得以下的結論

- (1) 自然改造重在轉無明爲明否則隨業受報不得自由
- (2) 真如親證卽明心見性了知一切法真如平等方能隨緣應化
- (3) 佛法教化雖仗理論然理論實非事實必須超越理論而親證到者方爲事實
- (4) 欲知三界衆生無邊無盡之事實須修禪定以起發非常見聞覺知便能證明一切
- (5) 理解上之中道
- (6) 行爲上之中道 此六層在講明佛學的特點

二 佛學之全景——圖中所示爲佛法之總相四法循環不見終始又可名爲法輪（教）教由真如親證而施遠非世間通常之學可比佛學來源須經過長時間的修證轉無明成圓明還見衆生感受虛妄顛倒種種痛苦以所證之「果」爲之施「教」是爲真如親證之應化又佛之教非祇屬經典如佛身佛國土佛像塔廟舍利以及僧相儀制悉爲佛果之所呈現皆足以令人發起信心趨向修證如見佛相發菩提心等故與通常之教不同（理）理由教出謂聞法受教之人起研究心問答辯難分條析理如佛在世之議論佛滅度後便結集以成論藏傳於世間故佛學之理可儘容人作種種精密之研討且研討之結果皆契證真如之理以之傳世悉爲世間之最高學術（行）行卽行爲廣義則雖理解亦皆是行狹義則如戒定慧學與大乘之六度十度（六度外加方便願力智）等於理得到決定處方始去作不致有盲修瞎煉之虞卽所謂修行是也普通之行不外戒定慧三學但其特質如修淨土雖普及三根若能明了實相念佛等甚深之理依之去修較易證果然而佛法之貴重在實行又貴乎集中因此乃成種種特殊方便之行法（果）行必證果其理固然大乘之行未到初地未爲證果雖云未證十信成就其行爲上之成績已不致於退墮果位之極佛地方稱究竟果既證得復從果地廻入苦海以施教度生使之明理修行如法證果如此四法輪轉爲佛法全體故名全景對於此四輪觀以信解修證四義更易明了（一）「教要信」經云佛法大海惟信能入（二）「理要解」儻侗

真如顚預佛性爲害甚大(三)「行要修」言行不相應理事難圓融(四)「果要證」說食數寶終成窮措大耳以上四法願學佛者加以甚深之觀察庶不致徒費劬勞上述四法雖均重要但各宗於此則各有其特重之典如大乘之真言宗淨土宗偏在從果所施之教必用信心去接受法性宗法相宗特重於依教明理須深研究禪律二宗重在依理所起之行貴乎實踐法華華嚴二宗重於從行而證乎果又理行果三重在自力教重他力故此四法可用爲觀察各宗之大概

三 佛學之較量——今以世界宗教學術爲之比較衡量其大概以便世人取捨普通各宗教學術之出發點或假無根之神權或憑抽象之理論譬如夢中現境佛法是從大覺悟中得來本不能與之比較優劣然佛法既流傳世間仍應以方便一說夢中之境而度夢中之迷也

(1)佛教之「教」與宗教——佛教之教從方便說亦髣髴是宗教以佛之身係從大覺果海中流出之應化身等於人而人見之等於天而天親之等於諸類而諸類附之故名平等示現之千百億化身而真身無相超越諸相此有似宗教之「神」也佛所說法爲超過三界之至理有似於天啓之聖經而佛法之塔廟經像僧衆儀式亦似各宗教之有儀制故佛教亦確有引人入勝起人信仰之宗教功用也然佛教與其他宗教有大不同點則在度與佛平等之衆生入於自由平等之域耳若其他宗教則別有一種特出之「神」超然於人而不可與人平等

雖佛亦爲超出一切之覺者但承認衆生卽爲未成之佛佛雖先成不過爲三界萬物之大覺者而非三界萬物之創造及主宰者並說三界萬物皆衆心造卽前所講世界萬有皆衆生之共業別業所造成故亦可由自心而改造而異於他教之不平等不自由也

(2)佛學之理與哲學——中西哲學雖各派不同然以探究人生宇宙根本而作概括說明者是爲哲學大致無疑與超人間而只能以信仰去接受之宗教不同與各別分開以研究之科學亦不同佛法之理不捨一法故無法不說無微不至卽如印度之小乘學有二十支流雖各別不同而對於萬有之理無不盡量發揮大乘亦然所以從「理」之研究說亦可名哲學然其所依教既由修證之果流出而研究後又須趨向於行果故亦非其他哲學可以比例然如最近今最有力之新實在論其所取材多出於最新科學然與印度小乘學派中之一切有部學亦略相同此部執一切法爲實有其精詳處尙有爲新實在論所不逮者若舊實在論等則自創以下可無譏也

(3)佛理之色法不相應行法與物理學生理學——佛學目的在徧明不在局部故於物理生理無如科學之繁瑣說明然色法中之四大五塵五根及法處所攝色與不相應行之方位時分勢速和合流轉命根等確有關於物理生理之學說且其精奧處亦多有爲近今物理學生理學所不能及者其互不相背亦可推知

(4)佛理之心心所法不相應行法與心理學——佛學之心心所法實較心理學爲詳盡如八識心法及與心相應而起用之五十一心所法又不相應行法中之無想定滅盡定等奧義實非心理學所能窺見

(5)佛理之因明與論理學——論理學卽西洋之邏輯因明在印度原爲正理派後入佛學方名因明因明爲建論理之方式比較最新之西洋論理學皆爲因明中早說到者

(6)佛行之律與經世學——倫理學法學經濟學等科學——律學之義甚廣通於應作不應作禁其所不應作者向其所應作者盡形壽去勤作而大乘則以羣衆利益爲前提凡應作不作不應作而作均名犯戒大乘應作之範圍廣甚卽經世爲出世之佛行實際等於社會科學且更澈底於社會科學其於行爲道德爲倫理學止作嚴明爲法學正命生活爲經濟學故欲建立佛教的社會當依律爲根據

(7)佛行之禪與衛生學——中國從前所重之養生學近謂之衛生學但佛行之禪原不限於養生但修行者起居食息之注重衛生如早起於曙前養息於昏後食則分器各如其量食後經行以助消化繼之靜坐以調氣息其平均調勻在在皆有合理之運行若以飲食資養其消化仍須耗費精力習禪若得相應則較飲食之滋養爲更有效且能却一切病又能改造心理進而改善生理之化學原素若淫慾性之原素亦已改盡至全身改變之後倘不起貪瞋

癡以破壞禪定住禪定中因其變換過生理可無需飲食（禪悅爲食）能延生命是爲因心理改變而達到生理改變之結果也

（8）佛果之超越親證禪定神通與神秘——神秘思想之流行人世無間中外古今而佛法中之超越神通等如第一段中已明者實兼有一切神秘思想之長且能揭其秘而成顯也（9）佛果之施設應化與文藝美術——親證真如由無相而現相與文藝美術等由想像力而創造意趣接近凡好學文藝美術之人可研究此法以作創造之張本如應化之無量身剎莊嚴極美術之能事故有謂美術可以代宗教其言亦不無少分之根據也

上來陳述大師佛學講要竟再將大師於全國抗日空氣緊張的去年警告臺韓日四千萬民衆的書摘要陳述於左藉以證明現代社會對於佛學需要甚切凡我佛教信徒皆應秉承如來遺教宏揚正法眼藏以期救人救世也書云「現代歐洲國家走上帝國主義極端而被民族革命所反抗走上資本主義極端而被共產革命所反抗於是歐洲文明陷入於全體崩潰之末路吾人方期以智慧兼充福慧雙隆自他俱利心色交融之佛法爲亞洲各民族文化之總綫索以之復興亞洲之民族文化復興亞洲之民族國家相資互助濟弱扶傾以成爲講信修睦之大聯合進而轉化歐洲之立國精神同趨入國際和平世界大同之盛軌」（後略全文載海潮音月刊第十二卷十一期）由此觀察起來佛陀教理與現代的中國僧伽對於現代

社會所負的使命異常重大，惟是現代的中國僧伽無論其爲守舊的維新的以及宏宗演教的應赴參方的都不免帶着幾分明於責人昧於責己的彩色，加以傳統式的叢林家族化的小廟迄今尙在援用封建制度而做宗法時代的噩夢，他們因被封建思想的菌毒傳染過重，痼疾難除，業已養成畏難苟安因人成事的依賴性質，是故處此風雨飄搖國難當前尙欲飽食煖衣無所事事，此種逸居無教的不良積習，吾人認爲非極力剷除不能振作精神而揚慈悲救世的主義，然而附和新僧運動的同志師友們的言行舉止似乎不無操之過激，以致形成保守派與急進派的水炭不容致惹社會人士之譏評，貪污土劣之剝奪因而引起大多數的人們歧視僧徒，詆毀佛教，此誠不可諱言之事實者也，但是憑心而論社會人士無論其信佛與否均不應藉口僧伽之不了長進遽爾抹煞佛陀教理，換言之亦由中華民衆不得藉口黨員之行爲不合貿然反對三民主義也，何以故？蓋信仰自由乃法律之所特許，故佛教的衰微僧伽雖然不能辭其咎，戾然而「不景氣」的社會與無統一的政府安能保無非的苛虐例外的摧殘乎？當此社會紛亂人慾橫流之日，佛法若不住世，是則人天眼目瞎矣！凡我中國僧伽自應奮發有爲宏揚佛法以期挽救人心而謀自他兼利，振刷精神降伏魔軍如德意志的民族以謀祖國之危而復安猶太國民族保全宗教的相續不斷萬一國事不濟我們佛教徒最低限度亦要本着東方文化的精神出而大聲疾呼救人救世以期喚起全球民衆共同

廢黜軍國主義的武力侵略恢復光輝燦爛東西文明無如現代僧伽除了我們中國革命僧的領袖太虛大師以及海內二三尊宿以外對於古德「律已甚嚴望人甚切」的格言與夫荷担如來之家業自覺覺他的責成恐怕我們大多數的同志師友們都忽略過去了吧不然何以最近的二十年來各地成立的佛教會研究所以及講演團佛學院等各級機關都本着我佛如來宏法利生的宗旨國民政府保教保產的條文不遺餘力的極端宣傳迄今不惟不能發揚光大而獲充分的效力似乎霸廟逐僧的慘劇愈加險惡打倒宗教的口號益形緊張呢由是觀之我們現代的中國僧伽務須要「回光返照」洞澈事理新舊兼容泯諸成見從速喚起全國僧衆一致的聯合起來組織一個大規模的佛教教育機關實行領導僧徒共負整理僧伽制度的責任澈底表現救人救世的精神以盡個人應盡的義務庶足以杜社會人士之譏評以謀立足於此奇奇怪怪的萬惡社會之中自利利人宏揚佛法倫再新舊分裂水火不容南轅北轍各走極端一切應興應革的佛教事務惟聽中國佛教會「戶位素餐」的委員諸公們因循遺誤頹喪光陰恐怕我們的新僧革命也與國民革命一樣的呼號「尚未成功」坐令強梁壓迫因而手忙足亂徒喚奈何已也原夫家事國事天下事事事莫不合乎一理假使大禍已臨而當局者尚在昏沉罔覺之中一旦變起叵測始張皇四顧大呼而特呼曰國難來矣教難來矣試問當此羣雄角逐之秋弱肉強食之際他人臥榻之前豈容第三者自由鼾睡

乎嗚呼現代的社會如此紛亂中國的僧伽又如此冥頑正所謂泥菩薩過河自身尚且難保安望其平心靜氣的秉承太虛大師預定的整理僧伽計劃而建整個的佛教教育機關實行培植僧材而爲社會服務藉以溝通文化促進世界的永久和平翹造當來的人間淨土若以現在情形而論此誠難之又難矣然則株守歟砥柱歟委之天命而不顧歟余曰否否易云窮則變變則通蓋天下事本無難易的區分惟在當局者志願爲之轉移耳若然救濟之策其道安在曰惟有汲汲宣傳我佛如來之大雄大力大無畏大犧牲的大乘佛法以期喚醒中國的僧伽打破世界的迷悶或曰太虛大師在全國抗日空氣緊張的時候曾經警告臺韓日的佛教民衆囑其熟察利害自動的制止日閥盲行而杜世界大亂既已如上述試問其效果安在乎曰茲事體大不是一朝一夕所能成功也非一二人和少數人可以包辦然經大師警告以後在淞滬鬥爭激烈之時業已發現日本國民勸阻日兵屠殺無辜華人的懇切文字事實公理昭然若揭由是觀之誰謂宣傳佛法而無補益於國家社會者乎寄語世之歧視僧伽摧殘佛法者可以已矣更進一步來說吾人若欲日本國民於最短期間恢復常識以謀中日親善立奏膚功世界和平早日實現非集中全國佛教大德和酷愛和平大居士們擴大宣傳我佛如來大慈大悲的整個佛法不可至謂擴大宣傳的話就是希望我們佛教中的大善知識們同志師友們以及我們中華民國的大人先生們父老昆仲們一個一個平心靜氣的把個人

自家的身心照顧一下務將無始以來的自我種子剷除盡淨然後同德同心同甘同苦的起來恢復東亞文明整頓中華民國否則國將不國矣何有家焉教將不教矣何有產焉惟願我地大物博的中華民族無論其爲農工商學兵以及耶回孔老釋迦如來的教徒都本着愛國的精神和互助的意識上下一致萬人一心的起來與迷信武力侵略的惡魔奮鬥以期國基鞏固政治鮮明人民得以安居樂業文化得以發揚光大然後出而指導世界人類同趨正軌大地有情共出迷津是則區區之意有所深望於我中華民國留心時勢的大德居士們大人先生們盡量爲之宣傳者也若謂余別有奢望余豈敢哉

按佛法大海惟信能入雖信不行徒數他人之寶如到寶山仍然空手回也至修行以念佛爲穩而念佛以持名爲易但早晚亦可坐禪默念惟勿另看話頭致生分別也蓋參禪雖曰頓超無學然非上根利智不能承當且無大德爲之抉擇恐有差錯反致病矣是故印光老法師之專重持名者乃本永明大師所謂無禪有淨土萬修萬人去耳不懸之研究佛理固屬毫無見地惟諦信三根普被利鈍咸收之淨土法門亦不自甘讓步上來所謂坐禪念佛一節係本遠祖禪經序之法要曾經試驗無譌者茲特摘錄原文以供同道者之參攷焉

遠祖禪經序云禪非智無以窮其寂智非禪無以深其照禪智者寂照之謂也念佛之人欲修禪見性但依法要於靜室正身端坐掃除緣累截斷情塵外不著境內不住定回光一照內外

俱寂然後密密舉念『阿彌陀佛』三五聲豁然明悟親見本性彌陀內外身心一時透脫盡乾坤大地是箇西方萬象森羅無非自己靜無遺照動不離寂得生上品

上來摘錄此文者因嘗有以參禪念佛之同異窒礙於心而起分別妄想故蓋法法頭頭無非中道神而明之在乎個人之具正知正見耳否則頭頭不了賬賬不清是則反爲修行障矣當此大法凌夷人根陋劣還是老實念佛多讀印光法師文鈔以培根本爲要着至欲自利利人又非崇奉太虛大師的博學多聞融通世出世法不易普及羣衆接引時髦人物也

二一、九、二六、廬提寬靜述於江西廬山黃龍寺

武穴舟中談話記

端午後二日余偕張南垣居士由漢返得舟次武穴時突有操湖南音語之武裝同志數人向余詰問曰諦審尊客本非下流人物胡爲乎誤入歧途化裝而爲僧耶余聞其言唐突本擬置諸不理殊南垣早已惡聞其言遽爾厲聲曰咄哉男子出家乃大丈夫事非將相所能爲者諸君現在背覺合塵之際正如諸葛武侯所謂『燕雀安知鴻鵠志哉』止止請勿嘵嘵然徒滋旁觀者之嘲笑耳余比細審諸人番號一爲某部少將餘者俱屬校官其時深恐言語衝突引起糾紛而惹無謂之煩惱乃從容答曰諸君之言雖然唐突但由不諳佛陀教義之所誤會

在佛法之中實屬不成問題個人本勿談話之餘地惟念「萍水相逢盡是他鄉之客」同舟共濟早已緣結三生諸君既然不耻下問我又何妨逕效癡人之說夢耶

原夫佛未御寓邪師說法言皆是妄法不契理盲引癡愚欲昇返墜佛出世間如果日麗天羣昏灼破諸有清涼誠返邪歸正之導師是與樂拔苦之慈父

上來爰引三皈正範之辭藉以證明吾人之所以放下屠刀毅然披緇學佛者原欲避免輪迴脫離人世之三苦五苦八苦以及無量諸苦而達「常樂我淨」之超人境界然後發趣「慈悲喜捨」之四無量心而以「布施」「持戒」「忍辱」「精進」「禪定」「智慧」之六度萬行出而移風易俗用拔人類之痛苦促進世界之和平正與諸君秉承總理「天下爲公」之言以期扶助世界之弱小民族共謀人類之自由平等同一主旨諸君試一思之吾人之捨家出家尙何下劣之可言乎如或諸君堅持人死氣散斷無「六道輪迴」之理然則黨國諸公當云我們先總理「在天之靈」以及我們先總理的「精神不死」抑又何所憑依而說如是不合羅輯之言耶若謂因果輪迴之說乃係釋氏之寓言持齋奉佛之舉純屬「宗教」家之迷信請問諸君每逢紀念期間對於總理遺像之行三鞠躬禮以及靜默五分鐘甚至朗頌遺囑宣讀誓詞等類形勢雖然不同而事實上究與佛教徒之誦經禮佛有何區別耶惟是佛法輸入中國以來恒被封建思想之重重壓制以致整個的大乘教義不克普及民間而獲充分表現致使社會

人士誤認佛法爲消極厭世的「宗教」僧伽爲憊懶偷安的流氓不知唐代的百丈禪師已本「二日不作一日不食」之言建立農禪生活而開社會主義的勞働先河加以布衣蔬食損己利人尤爲佛教僧徒之特性當此天下騷然社會紛亂羣雄角鬥赤化蠢起假使憂時之士能將「大公無我」的大乘佛法極力宣傳俾世界人類得悉「宇宙」萬有皆由衆緣所生「唯識」所現如夢如幻如露如電如是了知山河大地本無實相可言所有的形形色色皆由各個人的「妄心」所造善善惡惡無非各個人的「共業」所感翻然屏棄從前誤用「科學」萬能之功利思想不再認賊爲父擴充其食慾與性慾兩端趨向於驕奢淫亂迷信於物質文明是則「貪瞋癡慢」無由而起「殺盜淫妄」自然不生吾人祇要明乎此理必然諦信一切衆生皆有成佛作祖的可能性斷不致爭城掠地徒演修羅慘劇而造「地獄」深因是則佛法不但可以化除國際競爭而謀人類之自由幸福且能打破種族觀念而成物我之互相援助垂手提攜是故華嚴經云「應觀法界性一切唯心造」吾人既知心能造業當知心能改業所謂「罪從心起將心懺心若滅時罪亦滅」由是觀之足徵「天人阿修羅地獄鬼畜生」之六凡界以及「聲聞緣覺菩薩佛陀」之四聖界人人本具個個現成所謂「心佛衆生三無差別」吾人之所以異於禽獸者惟質有區別非量之不同也是故我佛如來之主張濟人利物持齋戒殺者蓋有由矣祇要世界人類個個都能研究佛陀教理逆料富來足以溝通東西文化促進世界

和平較之惟恃功利思想推翻仁義道德之「科學」化優劣實在不以道里計也。蓋天下雖然不可一日無兵，亦可百年不用，惟道與德乃係吾人安身立命之基礎，勿論任何國家社會不可須臾離也。曠觀古今中外除野蠻不計外，世界上斷無有一日不用道德與文化之國家。社會要知佛陀教義乃東方文化之結晶，實在能握世界三大哲學之牛耳。當此強鄰壓境之日，國難方殷之時，正宜借重救人救世的大乘佛法，以之安內攘外，促進和平。是故先總理嘗云：「宗教在造成民族的力量中也很雄大」之言，誠爲至論。尙希諸君身體力行，勿稍疏忽。務期「革命」先以「革心」爲主攻，城尤以攻心爲要，俾得早慶昇平，而竟革命全功。庶足以慰先總理「在天之靈」，表示先總理的「精神不死」。今日所陳區區微意，不識諸君以爲然否？伊等靜聽良久，咸皆肅然起敬，因念宣傳佛法足以起人信仰，返寺之後，故特爰筆記之。

紀遊歸宗寺金輪古塔以後之顛倒夢想

匡廬乃江右第一名山風景天然，爲東南冠。是故中外名流咸多樂於遊歷。十九年冬余承太虛大師命，遂與同鄉之克全、普超諸師由武漢買舟東下，入住於山南之歸宗寺焉。寺爲晉右將軍王羲之捨宅前，臨湖口後，屈山峯山環水抱，風景絕佳。極北有漢陽金輪二峯巍然並峙，高與雲等，而金輪之巔則有佛之舍利塔屹然矗立，挺接霄漢，爲江右最高峯。堵波之一

乃西域高僧佛陀耶舍尊者之建築物塔爲八角形高約四五丈原以磚石砌成四圍鑲以鉄版鐫梵文佛像畢具美術之壯觀聞塔中藏有佛陀靈骨及貝葉多種相傳係耶舍大師由西域某塔請來供俸者余曾兩度瞻禮盤旋山巔於斯時也西望柴桑南眺鄱陽東顧南星北窺潯漢仰觀太空俯察塵寰倍覺心曠神怡身飄飄然疑在九萬里雲霓之上不知何謂人間世矣無何廬山修志委員吳靄霖居士蒞寺攷察繙林掌故余遂偕遊噴雲（即玉廬泉）鵝池（羲之養鵝處）栗里（陶淵明故里）旋經溫泉而達陶淵明之歸去來館（即醉石館）忽見山明水淨葱林蔚秀加以谷風翊翊泉水涓涓垂楊覆陰桃李芬芳更覺心境爽然如達桃花源之目的地矣吳君卽同張南垣居士等入抄陶公祠之碑文題韻余則獨尋館側之醉石小憩焉俄而深入夢鄉正值五柳先生導余遊逛之際何期靄霖諸君蹣跚而來余比驟然驚覺口中尙在漱石枕流的刺刺不休吳君等莫不爲之粲然笑謂余曰石可漱乎流可枕乎青天白日之下君胡顛倒至於如斯之甚耶余曰「南無阿彌陀佛」豈不聞幻由人生乃事之固然耳是夢非夢烏足怪乎且長當今之世天下紛紛兵燹匪警殆無寧息誠恐芸芸衆生被『不景氣的潮流驅使欲如山僧之漱石枕流而夢中之獨頭意識不能如願以償耳』所謂『浮生若夢爲歡幾何』諸君欲『遠顛倒夢想』還須禮念南無阿彌陀佛蓋佛者覺也卽自覺覺他覺行圓滿是雖然不有大夢誰爲大覺大覺之道靡他唯在當人一念爲之轉移耳正謂一念覺

卽一念佛念念覺卽念念佛心佛衆生本無差別惟在轉迷爲悟一念間也吾人清淨本然之『如來藏』妙真如性』人人本具個個現成非一非異平等平等無如一念不覺而成念念不覺以致流轉生死無有了期大覺世尊所以示此三根普被利鈍咸收之念佛法門者無非期望衆生以已悟之萬德洪名提醒未悟之茫茫業識俾得轉迷爲悟轉識成智以之同證阿耨多羅三藐三菩提耳且夫『色身外泊山河大地無非妙明真心中物』是故吾人色心諸緣及心所使諸所緣法唯心所現『此妙明覺體不屬因緣不屬自然非不自然非不因緣隨緣不變不變隨緣離一切相卽一切法又何有於聚緣內搖趣外奔逸昏擾擾相以爲心性乎』明乎此理則知世之苦空無常無我者未有不幡然改悔得所知歸虔誠禮念阿彌陀佛以期心淨土淨而獲感應道交往生極樂世界遠離顛倒夢想證得無生法忍常住究竟涅槃也興言及此突聞南垣厲聲曰夕陽西下矣君盍歸休歟余比四顧茫然莫知所之彼此爲之一笑旋卽同返歸宗寺焉

民國二一、九、二八、屬提寬靜補誌于廬山黃龍寺

參觀蔣重啞居士個人佛畫展覽會記

壬申夏詣大林寺聽親教大師太虛上人講適逢蔣侯重啞相談甚歡語次悉其將於該寺陳列個人所畫佛菩薩像而供衆生瞻仰以期改良風俗救正人心諦聽之餘無任欽佩蓋

侯之出宰瀋陽爲時僅八閱月而舊有之不良風俗業已改善獲得潛移默化之效果矣茲復出其會心描寫之佛菩薩像藉以起人之信而逗衆生之機此誠法華經所謂應以何身得度者卽現何身而爲說法卓哉蔣侯其爲大悲菩薩之應化人間者歟不然處今之世爲今之人何汲汲乎濟人利物秉承無爲而治之如來遺教也耶翌日復往參觀獲睹佛像莊嚴思維憶念因而有感悟特述其崖略聊誌個人之隨喜云爾

記義牛

江西廬山黃龍寺監院修戒大師一操行卓著之苦行僧也自述渠於民國十七年自牯嶺市賣菜而還途遇屠人牽一牛將往附近宰而市焉其牛就師俛首哀鳴潛然淚下師卽出洋十七元贖回喂養比因水草不便旋付山南之農家代牧之去冬因往鄉村收租行至某溪木橋之中時值溪水陡漲洶湧而至處此進退維谷之際惶惶然不知所之瞥見對岸一牛急奔溪中昂首咆哮詣橋而立察其狀態似欲迎之以背也者師卽乘牛而渡甫抵岸邊俄而老農尋至乃係羣之代養犍牛者師始恍然悟牛卽三年前之放生物蓋已異常壯馴故弗識焉嗚呼世之忘恩負義不惜賣主求榮專以叛逆倒戈攫取個人之權利者真牛馬之不若矣噫

淫不淫報

吾鄉羅正元封翁述其肄業於邑之鳳鳴書院時適同學某生與渠同年月日時生長彼此莫逆遂爲忘年交一日某生欲踐鄰女之約公然邀翁同往翁卽正色拒之並戒其勿作禽獸行幹此無恥之事某生亦大慚愧事卽中止嗣翁因故返家耽延匝月某生竟赴桑中之約而玷辱焉翁惡其行立予割席後翁爲邑庠生家門日益昌盛晚年好佛專修淨土年逾九十無病而終其子復初先生及孫厚常君俱爲孝廉方正遵崇佛法有祖父風厚常因留學日久頗爲川政府推重反正以後歷充各軍學校教官是故川中將領多出門下彼惟廉潔自持僅任武學官書局長子侄輩亦遵庭訓專以研究佛學爲唯一工作卽或出而服務亦惟肩任行政教育各職並不涉及軍旅僉謂兵乃兇器耳大凡國家非萬不得已時不能遽以戎馬相見世之擁兵自衛殘民以逞者不識何以出此吾人旣爲佛教信徒豈可貿貿然輕易近耶嗚呼當此羣雄角立之秋鷄鶩爭食之際世之「爲虎作倀」「率獸食人」者所在皆是惟羅氏諸人咸皆篤信佛法毫無苟且噫天將大任羅氏也歟不然何其子孫之多賢也夷攷某生者則家業凋零子孫斷絕已於復初先生高中榮歸時乞食廛中死於川南榮縣程家場之禹廟門首據此而論凡人一生之榮枯得失實非「數命」所能限制「上帝」可以權衡予取予奪之權唯在當人一念爲之轉移耳蓋「南無阿彌陀佛」不過法藏比丘之願力所成是故本師釋迦牟尼佛陀之徹底悲心不惜諄諄教誨切望吾人了解「三界唯心萬法唯識」之理持名念佛求

生西方俾得早證無生法忍回轉娑婆世界以種種善巧方便度拔南閻浮提的苦惱衆生吾人既知成佛作祖之權尙且操諸吾人之手何用取此名聞利養爲無如衆生夢夢不但爲名韁利鎖之所牢籠甚被秦樓楚館之所纏縛曠觀青年士女無非汲汲於「人生」與「戀愛」「戀愛」與讀書然而舉世不乏皓首窮經終身不遇之人青燈黃卷潦倒無成之士盍亦清夜回思捫心自問我之所以不能青雲直上鵬飛萬里者究屬時耶命耶抑造化不仁故意爲我揶揄也耶祇要諸君平心靜氣的體察一下勢必翻然長嘯曰咄……咄窮通壽夭之若事若理其爲人定勝天歟天定勝人歟抑因果循環之理不足啓人諦信歟嗚呼噫嘻而今而後我知之矣

死而復生之近聞三則

雲南下關陳鼎才君言其十八年秋因患痢疾十餘日倍覺精神疲憊遂致臥床不起先是其家常供地藏菩薩像已歷十餘年矣彼係同善社友故能供養不輟其母鄭長齋奉佛有年對於觀音地藏兩大士奉之尤謹因慮其病日瀕於危是故持名瞻禮嘗無間斷一日鼎才忽覺遍體清涼所有病苦爽然若失遂整衣起床思欲遨遊山巔以解煩惱俄一健僕牽馬荷轡而來促其立即馳往江邊無何陰雲四佈風砂刮地而起初時尙能伏鞍閉目以行繼則江

流澎湃怒潮驟至旋覺高頭大馬似亦無能有用比惟張皇四顧莫知所之正值倉皇失措之際突然墮入洪濤巨浪之中其時倍覺頭昏耳鳴暗無天日手忙脚亂異常痛苦方將極力掙持以求援救卽聞人聲騰沸云三娘有福哉今日果獲天送麟兒矣余急張目視之蓋已蛻化嬰兒置身於沐盆之中因念老母妻孥無人照料遽爾置諸度外殊覺太難爲情於是忿不吮乳惟求早斷生命以期速返下關然已越二日神識不能脫離羈絆甚且餓火中燒饑渴如焚腸鳴腹痛慘狀難名惟念老母在堂無人侍奉情愿饑餓以死決不逗留此間言念及茲遙覩大士捲簾而入顧謂余曰善男子汝志良佳可從吾來以慰汝母倚閭之望余遂隨之而出無奈身軀難行方欲懇祈開示不覺豁然開悟蓋已死亡二日半矣自茲已往始信因果輪迴之理的確毫無疑義乃託鄭慧洪居士代請恩師印光老人俯予函授三皈五戒從茲改邪歸正禮念南無阿彌陀佛切望一生承辦以求往生極樂世界云

其二

井研西鄉正陽場正覺寺成安大師云民國二年伊在成都文殊院病劇遂移住走馬街小廟就醫翌晨倍覺頭昏氣急心裡異常難過本欲默念南無阿彌陀佛以鎮壓之殊萬念紛飛不由自主惟覺自從孩提以至成年出家所有經過之善惡事業咸皆歷歷明明表現於心境之中若遇惡念起時卽覺心如刀絞腸似油煎其間痛苦真實莫可名狀惟善念起時則又

清淨爽然恬安無事矣。但是剏那生滅遷流無常自晨至午恒多怪狀更兼善少惡多痛苦尤甚是故光怪陸離之劇實非言語所能形容者。過此卽覺神識茫茫惛惛然不省人事矣。俄聞梵音嘹亮佛號喧揚尤疑鄰寺僧伽爲人念誦普佛詳察其地乃代書街及正府街口因念許久未曾出外遊逛盍往華陽縣署一行比至儀門卽見遊人環繞意料方潮珍縣長此時必定坐堂審案矣。近視果然惟是辯訴業已告終僅聞堂諭原告着卽退出被告仍然羈押云云。細審原告爲某銀行經理被告乃大慈寺住持圓乘和尚也。余隨到監獄門首守衛者亦不之禁卽同人內詢其被押之由殊三問而不一答。其時因恐稽遲難出旋卽問訊辭行亦置不理。余遂步出頭門收由西府南街繞道后子門經皇城壩而返住所甫經入門卽卽驚覺所謂沐浴換衣等等業已告竣正值繞佛回向祝願往生云云。

其三

前陸軍第十軍三十師副師長楊德村居士云伊曾皈依印老多年專以持名念佛爲日常功誦前歲偶染重病並不留心醫治日惟虔誠禮念以求早生西方家人初不介意蓋由平時見慣使然耳。後因念佛唯勤晝夜未嘗間斷久之身體日益羸瘦因而發現舌敝唇焦矣。夫人某謂其迷信過甚遂將念珠奪去意在阻其持齋奉佛云云。比卽忿然曰汝等罪業深重不知皈依佛法以求懺悔反來阻我生西大事真是我的冤家對頭而今而後不可再與汝等同

居共住誤我大事因緣隨即更衣禮佛囑其家人妻子曰我死之後喪事不可隨俗鋪張只宜持齋念佛爲我助緣屏除舉哀弔唁以防造業倘違吾言決不汝佑至於初死之際萬勿嚎陶痛哭亂我神識是爲至要言畢手提念珠毅然長逝矣其時倍覺精神煥發以爲決生西方於是束裝東閣迤邐西遊心同神會目與景留汲汲乎忘其路之遠近俄見萬井炊煙遊人如蟻留心觀察始悉已達鬼門關矣比急回首竊聽遙聞家人妻子痛哭不休深恐心緒不寧而致方寸紛亂於是乎急馳歸家挺然而起斥其夫人公子曰汝等不聽吾言幾乎送入鬼門關也蓋由嗔心之所觸發以致地獄境界現前苟非平素之真信切願黃泉路上豈能聽其自由往返乎哉由是觀之修行人若不斷除『貪嗔癡愛』誠恐臨命終時不能盡如楊君之微倖往還也噫

果報三則 其一

宜賓居民黃玉成綽號打狗么麻子者乃刁狡無賴市井兇徒專以屠狗捕魚爲業民國六年滇軍駐防該縣某城防司令頗重道德常率隊巡查至毛斯街巷適玉成於短垣內以稻草縛燒黃犬嚎嘶慘苦之聲播於遐邇遊人圍睹遂爲之塞巡官某卽飭隊將玉成捕獲嚴加咎責並將衣履剝去推臥街心其時正值朔風凜凜大雪紛紛見者聞者咸皆稱快無何更聞

人盡街鄰突聞犬聲鳴鳴火之卽見玉成以手按地而行且行且吠逕投廁所而去好事者聯起尾之以觀其變行至毛坑卽如犬之瞰糞焉瞰已則覆臥溷側不復再爲人矣翌日沿街狂吠逢人亂嚙卒爲兵所殺並剖腹抽腸置諸荒野此乃叙府佛學社會計妙焜師爲余面述蓋玉成卽其俗家之族人云

其二

距離該縣百二十里之沙河驛有農民李二混者與其妻某均好捕水族善於烹煮鰲魚庖人罕有其匹一日於白沙河內捕獲巨鰲一隻適其族人李絨三等詣其家焉二混欲盡東道之情囑妻烹以饗客甫經舉箸其妻卽入室不出二混復往偵視亦不出焉族人候之久遂羣起觀察見其夫婦俱覆地昂首若團魚狀旋卽以手抓腹肝膽俱裂七孔流血而死此則係社員鄆聲玉所述蓋二混乃伊佃戶張某之妻弟云且鄆老居士係謹言慎行的道學夫子諒無虛妄之言摻雜其間特誌於茲以供懷疑派之考證焉耳

其三

吾鄉羅吉亭者清末之不第秀才也素性輕狂惡聞因果常以僧道無緣等語張貼四壁作文時則專闢佛老而發韓歐之毒雖家計日落窮極無聊恬不知非民初授童於榮州之吳家寺時值夏末秋初蝦蟆甚壯彼則日率徒衆任意釣捕一日捕獲百餘頭置諸廚下因事外

出其妻羅朱氏偶來寺內不忍羣蛙遭戮盡行釋放田中嗣伊偵知立將朱氏扭打不休朱忿氣填胸卽行自縊而亡吉亭怒尤不已踏屍漫罵突然陰雲四起大雨傾盆卽聞雷聲轟轟霹靂大作俄而雨霽雲空則見吉亭遍體焦黃身首異處朱氏則死而復生迄今猶健云此乃民國元年事也余時服務成都回憶先大父紫蘭公會於手諭中代叙崖略事隔念年久已忘却頃因同鄉之顧雅齋先生蒞廬與余相見甚歡閒談時偶究時人動以觸電斃命之言解釋雷擊惡人之事而指因果報應概屬子虛烏有是以爲余詳述一切並囑公諸報端以供參攷蓋顧翁乃吉亭妹夫當日確係親見云云

雜詠

山居四首

自從去臘出夔關	唯念彌陀絕妄攀	引磬木魚常作伴	隱居江右一名山
去年隱處此山中	瀟灑襟懷迥不同	堪笑名聞利養者	何如寒衲守孤窮
山居不庸尋外護	檢點鋤頭種菜菔	衲被蒙頭睡已覺	拈香朗誦彌陀佛
婆娑戰鼓逼山來	惟杜柴扉懶去開	非是衲僧貪睡也	心無罣礙意舒哉

步張南垣居士原韻

儒釋由來絕異同
文章悟透佛之功
新詩氣概與天同
聲調推敲化育工

君能般若波羅樂
曾記當年摩詰事

醒世爭如得警鐘
輞川暮鼓與晨鐘

與普超同學

普利人天赴大同
名言讜論立奇功

超凡入聖阿伽藥

鼓勵五分最後鐘

自勉

寬柔剛勁性非同
慚愧當年未用功

靜坐回思還故我

剎那不覺五更鐘

感懷

新僧舊衲突分歧
錯著渾如一局棋
全球誰識三皈義
大廈安能一本支

禦侮無聞軍氣暮
閒坐蒲團參否泰

相尤有意羽書馳
乾坤何日見清夷

閱報有感

可憐巴蜀風雲變
霸廟逐僧處處喧
莽莽神州荆棘多
僧伽其奈百魔何

心想救援援不得
是誰造下彌天禍

忍將淚眼看元元
累我蒼生劫火磨

書牘

致杭州月塘寺源清和尚

源清法兄和尚竊三江叢林除高旻寺外均以水陸生涯爲唯一生活自明迄今相沿已久雖誦經拜懺亦屬佛化之一然而法久弊生現代僧伽因趕經懺而致墮落不堪者比比皆是不識貴寺向來係何組織倘若專靠經懺生活亦須每日加以「坐香」「念佛」用攝身心而維佛教根本以期徐徐剷除不良積習而規模範叢林如常住可以支持則當謝絕應赴實爲至要縱不能如高旻寺之純正坐香而最低限度亦應念三支香佛長上兩堂殿也蓋末法僧伽恆多業重福輕障深慧淺不可稍事放逸增長無明凡爲住持者似宜注意及之如能每日加以二小時之農禪工作及研究幾點鐘的大小乘教尤爲切近時弊至選任班職各員務須大公無私庶能綱維上下以期相安於無事也忝屬愛末故敢剖陳而盡愚直吾兄達人諒不以狂妄見斥也復次寬霖法師如能同住可助一切並弟前函介紹之清池同志戒學均優尙希注意及之再者西湖風景尙味生平有緣時或到杭一遊藉聆吾兄現大師子吼而爲衆生說法也附件請轉霖師餘不贅此致 禪祺

復甯波觀宗寺寶靜法師

寶公法眼竊自貴刊發行以來每期均已奉讀寬靜嘗荷法語薰陶獲益之處實屬不少自公

去函之滇以後不聆 教誨者已逾年於茲矣日昨奉到十九期刊物一冊盟誦之餘異常歡喜尙希 不吝慈悲俯予源源擲下以便陳列書報室內而供遊人瞻仰竊黃龍古刹爲廬山五大叢林之一每年六月初一初七集衆念佛二十八天自民國七年發起迄今未嘗間斷加以夏季遊人衆多咸皆蒞寺參觀務祈簽名賜閱藉以宏揚佛化用結法緣也復次附件如可教授亦祈斧削付刊用博一笑專復敬叩 法門無量

致陸軍第八十五師謝慧如師長函

慧如慧明居士佛法若不住世是則人天眼目瞎矣居士等遙承靈山付囑現將軍身而爲衆生說法實非泛泛者可以同年而語但勿佞佛之名而有所躊躇蓋佛法惟在真實不虛乃能證得『阿耨多羅三藐三菩提』若有顧忌即墮疑網居士等雖無上來之病然亦不能不防其未然竊以國府要人如戴季陶陳銘樞焦易堂于佑任諸公吾川軍人如蔣特生劉甫澄楊天智劉肇乾等俱名正言順倡佛化以救人心是則吾人之正信佛法何畏無知者之妄肆譏評耶不慧之所以不憚煩囂汲汲而爲居士進言者因念崇通防地近於匪區人心思亂較之他處尤甚切望立予改良風化拯拔斯民於水深火熱之中耳惟是先後郵寄之『四分律』及『梵網戒』等乃出家比丘之要律而在家居菩薩有時不能完全適用只有『瑜伽菩薩戒本』爲

方今在家出家大心菩薩必讀之書惟惜此間已送完希函囑駐漢辦事處劉天俠副官向漢口古棲隱寺街佛教正信會訂閱本年海潮音一份該刊乃吾師太虛上人審定之唯一雜誌確係佛學叢書之王其第十三卷第六第七兩期業已陸續登載太老法師在川所講『瑜珈菩薩戒本』之演義較諸單行本尤爲完善復次該刊披露大乘八宗之論說各有各的意義吾人正宜購閱以廣見聞預備常來之逗機說法庶免拘於成見而涉簿此厚彼之嫌况佛法重在博學多聞以普度衆生爲鵠的惟當此人根陋劣左道蠱起而念佛求生西方之三根普被法門尤爲鵠中之鵠的何則按龍舒淨文云『淨土之說有理有迹論其理則見於日用之間而未嘗離前篇所言是也論其迹則見於早晨一茶之頃而不必終日泥十念法門是也蓋修持法門有九品人人皆可以修雖罪惡之人佛亦不棄回心向善則爲善矣故此十念法門人皆可以通行譬如久爲暗室一燈照之則爲明矣故雖殺牛屠馬之人放下屠刀亦可以修所以修者不難亦不妨一切俗事故在官不妨職業在士不妨修讀在商賈不妨販賣在農人不妨耕種在公門不妨事上在僧徒不妨參禪凡一切所爲皆不相妨故曰其修持工夫見於早晨一茶之頃耳遂可以爲萬萬劫不壞之資人何爲而不修乎』蓋龍舒此文實屬淨土法門之徑中徑又徑故特摘錄原辭用資攷察揣此卽頌

勇猛精進 劉旅長 馬參謀長 謝軍法長暨全體官佐統此未另

謝慧如等復驛提寬靜函一

寬師蓮座前奉 手示并先後寄來各種書件均已陸續收到分別存送矣吾 師慈悲之願力所及而崇通羣衆受着此次教化警醒者尙覺不少 弟子等早晚功課亦未間斷惟根性魯鈍進境不銳耳伏維時錫南針用開覺路俾得早達彼岸爲幸復次此間軍事犯開釋者甚多而信佛念佛者亦屬不少 玉照業已奉到矣知注并聞敬叩 淨安 弟子慧如慧明大拜

函二

靜師法座月初奉到 手示并先後寄來四分律梵網戒等均經一一收到吾 師誨人不倦之精神與普濟羣倫之悲心直令 弟子等感奮願泣而於大乘自度度人之義更不敢不有所勉焉惟是根器陋劣力量有限而此地共業又重有如多年積雪洵非冬陽所能融化必待天運時序春風夏日以消其冰結耳是故力行切願求佛哀憐俾身心清靜得大智慧與辯才而宏揚佛法豈僅此一隅而已哉海潮音月刊等當函漢方照訂吾 師在崇演講集已印成小冊二百本寄崇已旬日因出巡通城遲至今日始分發各處開示羣迷當無涯際慧明去漢併以奉聞敬祝 道安 弟子慧如大拜

敬告陸軍第八十五師謝慧如師長寓兵於農工商賈以救國難之建議書

慧如慧明居士均鑒手書奉悉遲未修覆者適因友人金籽農故正督師友爲做佛事也竊惟國家治亂之由惟以風俗美惡爲之轉變蓋風俗之美惡緣於人心人心之邪正關乎道德今也人心險詐道德淪胥佛儒聖教窒碍難行天下正氣靡然斯滅士大夫不知廉恥爲何物青年輩恒視禮義爲迂腐庸詎知禮義廉恥乃國之四維假使四維不張試問國何能國國家雖由人民建立然則人心實爲主宰心若不正斷難爲人人心渙散焉能成國國民欲享自由幸福必須振刷精神崇尚道德以循古聖先賢平治天下之本是則由亂而治其庶幾乎當今之時世界之爲民牧者苟能返躬自省恭行四端並以我佛之慈悲平等輔助孫中山之三民主義領導民衆同趨正軌雖然天下汹汹又何患乎兵禍之不戢時局之不寧耶無如歐風美雨徧洒塵寰異端邪說瀰漫世界煽此奢華靡麗之風鼓動人民腦海倡彼『物競天擇』之論深刻人民肺肝是以舉世咸以物質文明是尙衣食住處爲憂以致人欲橫流風俗卑污國家陵夷交征權利爲民上者若不正本清源整飭禮義廉恥四端以爲着手吾恐舉國皆兵亦無力肅清匪患抵抗強鄰也不惑雖已披緇學佛然亦國民份子興言及此心竊憂之是以不畏人言不惜口業嘗於書牘往還之間而爲居士喋喋不休耳且幸居士等不以狂妄見斥對於三皈五戒尤能身體力行溯自廬山晤別以來既已毅然斷絕煙酒布衣蔬食爲部屬倡藉以建立軍人懿範而樹道德新猷非「素植德本」者斷無有如是之至誠懇切勇猛精進也環顧東

山而後族人之能不振家聲光大門楣者捨居士等其誰屬耶覆讀雲箋曷勝欣慰寄語舊吟「昔時王謝堂前燕飛入尋常百姓家」者可以已矣竊貴師官兵不下七千餘人平均每人吸香烟二支按月計算約需消耗四千餘元而全師官佐且競肉食每日以最低限度計勢必多耗二三百金如此菜蔬代之即可月省六千餘元遑論搓麻雀喫花酒以及其他洋式西裝之鉅大消耗乎推之全國軍人不下二三百萬更兼政教機關之公務人員均尙競奇立異窮極奢侈值此民窮財盡之時後患胡以底止嗚呼風俗如斯惡劣全人類之渴望和平安能達到圓滿之目的乎自茲以往均望居士示現將軍身而爲衆生說法勸慰貴師官佐咸皆「克己復禮」以身作則月惟食肉二次而與士卒同甘共苦拒絕烟酒嗜好用杜無謂犧牲卽以上來所列二款計算行之一年可積現金十二三萬或交銀行生息或作公司股本永爲全師公積基金以充軍實而備不虞平時則督飭兵工墾荒築路眷屬紡織營生寓兵於農工商賈之中以塞武人分利之源而救經濟恐慌之弊一旦國家有警卽集全力爲之周旋政府既無籌餉之憂人民又鮮苛捐之累於是上下一致萬人一心抵禦強鄰發揚民族何患內亂之不靖外侮之不平耶矧貴師既係國軍願幹如能起而倡之逆料全國之軍政要人勢必從而和焉如果由斯建設廉潔政府人民自能爭先恐後共赴國難以我地大物博之中華民族以及現有二三百萬之海陸空軍祇要人人蠲除貪嗔私欲個個振作互助精神加以最高無上

之東方文化出而扶助世界之弱小民族促進世界上之永久和平逆料數十年間即能蒸蒸日上而握東亞文明之牛耳此乃顯而易見之事豈山野匹夫故意爲之誇張者歟再退一步來說吾人祇要腳踏實地去做縱不能達上來所陳之理想目的亦斷不致長受叢爾三島之視我中華民族無能爲也用特檢奉放翁家訓一冊素食菜譜一冊上海市民報一份佛學書局招股章程一份請從 貴師司令部始實行禁烟減肉而以此項餘款速購股票若干以爲發端伊始并訂該報多份以及海潮音居士林刊等佛學雜誌分給全師官佐或組軍民公報室以之循循善誘用增大乘佛學之知識而謀軍營佈教之進展藉以領導羣衆而達救人救世之最後目的也復次尊翁既剛毅過人行多懿德雖聞道甚晚淨土難期以其生平之作爲觀察然亦生天必矣尙希多做功德回向西方用資助緣期超聖域至于流通佛書實爲唯一之大圖希以十元或數十元捐入佛學書局附設之「印書功德基金會」助其生息印送而爲尊翁回向并每年預納郵資一元爲贈書會員費註明通信地點即能按月寄閱該局出版書籍補益身心也此事簡而易行務希居士慨然圖之端此佈覆即頌

勛安

慧如居士來函

寬靜吾師法座前月率隊遊擊匪區本 中央明令及我佛慈悲剿撫兼施未敢妄殺一人惟

深入匪穴時彼處民衆悉被匪徒脅迫而去所謂堅壁清野以抗國軍之計也我軍既不能遠道裹糧給養所關不能不出於徵發之一途也乃初不及防各隊於食糧之外多有傷及牲口以作菜食雖旋經禁止但被戮者已爲數不少矣衆生本具佛性自應一視同仁此心耿耿深爲不安歸奉訓示吾師殷殷以殺爲戒益滋慚愧除朝夕懺悔並發心超度外尙祈吾師代爲懺証隨時賜教以資警惕匡山隨筆含義既深謹遵命加印四百份連前共計六百份以廣宣傳而揚佛化復次先嚴平生剛正就世間法說無甚過失惟惜聞道甚晚恐未解脫（去年接到漢口侍養時弟子始以念佛法門勸進因行持不久臨終時恐無把握耳）吾師對像念佛惠及幽冥弟子尤爲感激之至肅此敬叩 道安

弟子慧如慧明頂禮十一十九

致陸軍第八十五師駐漢辦事處毛夢仙處長

夢仙處長足下前書付郵以後始行奉到劉副官之函操切陳詞想不我責茲讀序文足見居士實現宰官身而爲衆生說法羣黎有福獲益之處是誠不可思議者矣感激之私惟有默祝佛天願居士多富多壽常住娑婆世界永拔斯民於水深火熱之中耳惟是邯鄲學步之徒謬蒙過譽慚愧極矣公餘之暇尙希時賜教言以匡不逮此頌 公安

附毛夢仙處長來函

寬靜上人蓮座手書一一奉悉過承推獎慚悚萬分講演集已經印好寄崇并囑劉副官檢寄尊閱俗士不文有辱大命祈不見責足矣我師清德獨窺大乘尙望時賜奧義啓我愚蒙爲幸此復敬祝 猛勇精進 毛定松頓首 九、二、

復汪秘書書

叔平先生久耳大名無緣拜謁頃奉跋辭莫名欽佩足徵維摩居士實大心菩薩之應化人間世也惟是謬蒙獎譽愧不敢當竊靜乃山野匹夫素無大人知見殊居士加以程子生公等詞致我對文惶愧汗流挾背矣然則蘇學士既以玉帶鎖山門粥飯僧何妨厚顏結蓮社是以郵呈小照一張聊代詣漢趨候之誠忝屬愛末諒不以狂妄見斥也專此即頌 大安

附汪秘書來函

寬靜上人慧鑒夏間錫杖蒞崇道經漢水俊知俗塵太甚未叩禪關嗣由慧空居士出示琳瑯法語將廣流傳一片婆心八方欽仰遂觸書生夙好謬成跋句佛頭着穢罪過萬千矣乃承曲宥愆尤宏加藻飾更惠法相及光明之路一篇豈惟有意指示迷津抑且無形示我佛因緣俊拜領之餘驚喜萬狀祇有日對玉照時爲頂禮倘此生能擺脫俗累定當皈依座下也專復鳴謝并頌 淨祺 方外弟汪志俊頓首 九、一四、

致陸軍第八十五師駐漢辦事處劉天俠副官

慧空居士惠鑒名片業已郵到矣祈勿念林場侵佔黃龍寺產省政府昨委漆炳焜協同九江行政長官公署廬山管理局派員會查雖知林場伐木燒炭及侵佔寺廟財產屬實但未獲得省委等的圓滿答覆結果如何尙難逆料九江法院曾經一度審理聞已行文建廳查卷以後再行核辦云云復次日誦心經決不間斷非素具慧根曷克臻此慰甚賀甚但早晚尙須念「南無阿彌陀佛」數百聲或千聲以攝身心求生淨土倘人地不宜之時亦當默持勿輟至念佛後隨念「願以此功德莊嚴佛淨土上報四重恩下濟三塗苦若有見聞者悉發菩提心盡此一報身同生極樂國」以資回向是爲至要此復即頌
勇猛精進

附劉天俠副官來函

寬靜吾師有道日前接讀賜示敬悉吾師安抵黃龍不勝喜慰囑印名片早已寄上想收到矣吾師在崇講稿毛處長極其欽贊已撰序文訂名『崇陽講演集』并由汪秘書增跋文章極佳將來風采大有可觀已由弟子送交印刷約一星期即可出版也承賜太虛老法師所講之心經述記已盥誦數次頗有心得自覺讀時較前大有不同故於每晚臨睡時必須誦讀幾遍從此決不間斷敬懇吾師時賜教言以開茅塞不勝銘感之至再者廬山林場與黃龍寺

搗亂殊屬違法極矣吾師從中排解後不知結果如何甚以爲念請便示知漢口市面如常前方在前兩日與匪小有接觸我師極獲勝利日來頗安靖矣日昨奉到像片二張遵卽以一張送毛夢仙處長弟子一張設於座側如侍吾師左右也知注附聞肅此敬叩
靜安
弟子慧空謹上

致劉慧空居士函一

慧空居士惠鑒三皈五戒旣能毅然荷擔切望身體力行而達諸惡莫作業善奉行之旨蓋約理而論佛法乃最高之心理哲學而含科學宗教之東方文化也吾人雖然竭盡心思若不假以修持之功實難究竟明了其中奧義惟約事而論卽上乘所謂諸惡莫作衆善奉行加以持齋念佛自行化他亦可以賅括一切經律論藏矣但知之非艱行之惟艱居士於此切須三致意焉復次誦經念佛以後必念回向偈者其義有二（一）者回自向他（二）者回小向大也約理則謂吾人清淨本然之如來藏妙真如性被無始無明障蔽以致輪迴六道無有了期先以誦經念佛除其妄念集中思想期融萬念而爲一念再以回向偈辭領導身心而起平等觀念以成慈悲喜捨之四無量心而行自利利人之六度萬行以期反妄歸真同証無上菩提若約事而論舉凡持齋念佛施衣施藥印送經文開化羣衆以及其他一切濟人利物之事或日作

一善抑或多種若不回向西方不過種種人天福田不能卽身了脫生死橫超三界所以前函述及之「願以此功德……莊嚴佛淨土上報四重恩下濟三塗苦若有見聞者悉發菩提心盡此一報身同生極樂國」云者乃普通誦經念佛之回向偈也至謂各種宏揚淨土書籍所錄之偈與前偈多不同者乃係隨喜習慣之方便法也因恐居士公務繁冗是以前函惟以簡單偈文告之祇要虔誠誦功德必不唐捐正不必分別偈辭之長短異同也惟希口誦心維反聞其音務要字字分明不可落於昏沉散亂之中念佛亦然久之自有不可思議之無窮妙用至於誦經念佛不拘多少惟貴誠懇及不間斷若得功用純熟將來自能獲得身心安穩而達體用一致也復次拙作匡山隨筆既承印刷千五百本出版時可以直寄上海佛學書局五百本請其專送各地圖書館（據十七年調查表全國已設四百三十處此時尙不知添置多少也）至靜需四五百本分送各地佛教機關可留百本於漢皋結緣餘寄崇陽請謝師長分送 貴師官佐以及各法團機關了此公案勿復卽頌 大安

函 二

慧空居士再鑒 手書及慎五封翁訃書均已奉悉竊靜與慧如居士同宗同志同爲佛子乃父亦卽吾父屆時決對遺像念佛永日以代輓聯弔唁而增封翁蓮品蓋舉哀致弔不過隨順世法以盡人子之心其實不及持齋念佛利益存亡者也倘因祭奠而殺衆生不惟無濟於事

反增亡者罪過不孝之罪無過於此無如世人貿貿有乖子道而弗知也悲夫前與慧如面談及此已決請菜根香承辦素席招待來賓並電銅仁本宅勿用犧牲物命而行俗禮及飭前方將士於城下之日不准妄殺一人妄取一物此卽慧如師長克盡人子之道實非常人所及雖然墨經從戎未卽返黔治喪但此一舉而四恩已報吾料愼五宗先生在天之靈必拈髯微笑嘉許不置也惟讀居士每次函述 貴師勦匪順利之時心嘗耿耿竊念匪亦人類同具真如自性而與諸佛平等祇緣一念不覺而成念念不覺竟被貪嗔癡毒覆蔽妙明真心我法二執造成赤色恐怖若據世法而論該匪等既然謀爲不軌殺之不足以蔽其辜然不教而誅賢者尙不忍爲况我佛如來之聖言量乎不慧之所以曉曉然不惜口業嘗於書札往還之間論及此事切望當局者先以宗教教育治其本後以軍事政治齊其末俾得改惡遷善以予自新世出世法雙方兼顧無奈衆業已成解脫不易不但芻蕘之言不值高明一笑卽堂堂聖教亦日見陵夷而呈奄奄一息矣嗚呼哀哉吾儕佛子寧不悲乎且幸慧如師長素因不昧智勇兼仁勦撫齊施而收懷德畏威之效軍民同慶咸頌紀律嚴明之功猗歟休哉八十五師之將官士卒誠不愧爲中華民國之模範軍人也是以不慧前次由崇返牯卽行翻印『敬告青年』及畢效良敬告各界制止導淫文和太虛大師講義數種郵寄慧如分散 貴師官佐以及崇通民衆用資勸導而補軍事政治之不逮者復次此番刊物原擬印刷千冊除就崇通武漢分送外

以下四百份交靜轉送佛教機關及各地圖書館以結淨緣頃讀居士先後函述業已極力募捐以期完成此舉並擬隨喜緒言用光篇幅足見悲願宏深必獲佛力冥加而感多金長者之傾囊勸助也靜閱之餘頗堪引慰同時並奉慧如師長函云已託汪老師作序並捐印二百份分散貴師官佐云云不勝忻慰之至惟今日接到上海佛學書局寄來第二期調查錄一冊按全國佛教機關已有五百七十一處而圖書館亦有四百三十處云是則原定千冊尙不足上列機關之用遑論崇通民衆以及其他學佛之個人乎惟是宣傳佛化以盡心即爲有功吾人只好隨緣隨分做一分算一分不過不激徐徐辦理如能多印固佳但是少亦無妨也至於文句錯譌之處務希居士與毛處長汪秘書諸公俯予斧政校刊免貽笑柄復次蘄春縣之四祖寺原係子孫承繼久已成爲與佛法不相應行之家族化矣明朗師等因鑒佛法式微僧伽墮落故擬改爲十方叢林以期從新整理夏間曾到黃龍面商一切據靜個人觀察明師見地雖然純正但是該寺主僧乃其師公靜雖未嘗會面然聞其人我見甚深似此情形恐難即化私見而謀公益縱能放棄私人權利而建公共團體充其量不過增一法眷戒眷之傳統機關對於整頓僧伽制度亦無切實進行期望敢斷言也倘該寺僧衆如能澈底覺悟明了寺產乃寺廟之所有權私人把持浪用卽犯侵損常住之戒應交十方大德管理而揚佛化卽以常住常住物歸還十方常住三寶自動報告縣佛教會轉呈黨政機關立案永作十方選賢叢

林卽由諸山各寺協同佛會公函勸請大德高僧出而肩任住持實行整頓僧制由斯打破法
徒戒子以及子孫把持之弊佛法前途始有一綫曙光否則改造與不改造又何殊哉如果伊
等意欲澈底改造以洗從前污點靜當盡心力而爲物色妥僧玉成此舉若欲靜充該寺住持
無論如何不敢奉命蓋出世爲人乃古德放參以後之事非如今人專以取得方丈頭銜擺擺
和尙架子不顧社會人士之譏評在家二衆之物議妄希蓋棺論定而襲某某正宗若干世代
之祖師封號也嘗讀蓮池語錄至已事辦畢方乃爲人之句靡不三致意焉竊方丈之虛榮法
師之利養尤易令人墮落不慧濫廁僧倫已貽聖教之羞豈可甘冒不韙以野干而效師子吼
乎邇來老誠凋謝者舊云亡叢林草草長夜漫漫廬山各寺亦乏住持之人去歲星子縣長劉
永康及地方人士屢以萬杉主席見逼乃移住黃龍以避煩擾殊今年八月十五青松和尚又
集諸山會議囑靜住持黃龍比決去牯之杭泛游西子湖山席免人事紛繁增加熱惱青松無
可如何業已自行負責故暫未他適留此閱經薪春與九江毗連諸山長老豈尙不知靜之德
薄能鮮罪深業重無力成人之美代衆之勞而任叢林之主席者乎祈將鄙意轉達明朗和尚
務希另選賢能妥爲辦理實勝切盼專復卽頌

淨社

毛處長

汪秘書

統此未另

不慧 屢提寬靜謹復十一五

此函及居士之函請編入『匡山隨筆』以儆當代住持 再者前致慧如師長函有『切望

立予改良政治一語』已將川亂中軍人干政之惡習寫出嗣後察及已於佛學半月刊上改正即改「政治」二字爲「風化」二字也祈照更正至查致源清和尚之函誤以「用人行政」之辭更屬荒謬已極請以「選任班職各員務須大公無私庶能綱維上下以期相安無事等辭」立予更正免涉和尚不脫政客之譏爲禱又及

劉居士來函

寬靜吾師慧鑒先後奉讀 賜示并佛學半月刊海潮音月刊敬悉種切欣感不已吾 師前後寄來 大作暫時均經弟子彙齊保存現因同人等爲謝愼五封翁喪事皆極忙碌尙未整理付印擬俟喪事完畢後即請汪老師作序并待毛處長作序加入弟子亦擬作一篇藉表吾師領導也至以後增加刪去之文將來即遵 來示所囑編定付印大約在冬月內當可出版祈勿爲念今日明朗和尚來處道及云由蕪春來漢并謂該縣佛教會已組織完妥此來係請領鈴記前去開成立大會意欲歡迎吾 師前往担任方丈（四祖寺）囑弟子先函徵求 尊意不識吾 師肯命駕否據明朗云四祖寺頗豐富每年有谷三百多担尙有房租錢等等尙得吾 師前往主持極爲妥善并言俟事稍竣即來廬山與 師面商想吾 師慈善爲懷枯嶺至蕪春往返極其便利必能 俯允屈就撐持祖庭也閱半月刊載吾 師致謝師長函有

囑其要弟子在漢定海潮音事茲已定購一份寄去弟子亦同時定有一份知念奉告本師此次出發剿匪極爲順利謝師長現在通山併以奉聞專肅敬叩
道安 青松方丈均此致候

弟子慧空 合 十一月一日

附刊

淨土捷要

答

建鄴慈山釋德清著
蜀僧麝提寬靜重刊

德國主問修行捷要法語

承

大王諭使者訪問山僧修行直捷法門云王已能持不殺戒齋蔬三年但念末後一着爲急有何法修持至臨終安樂後世不迷惟此乃

大王夙習般若根深積生修來故今處富貴尊位不昧本來故此一念真切參求法要山僧愚劣敢以實對惟佛說法度人如應病之藥方便多門不是一種自教流此土古今依奉修行者有禪與教兩門人所共繇禪則傳燈諸祖直貴了悟自心其下手工夫則以單提話頭參求直至明見自心而後已此獨彼上上根人一超直入又須善知識時時調護提撕方得正路此在

昔王臣亦有能者蓋不多見是乃出家人易爲行耳今

大王尊居深密不易接見善知識故不敢以此勸進其有依教修行昔有天台智者大小止觀乃成佛要門其大止觀文繁難於理會其小止觀雖簡要似易其實要解說明白而下手安心亦不易入即能知能行亦難得親切故日用現前境界逆順處多用不上況末後一大事乎此法亦非

大王所易行者亦不敢進惟今獨有佛說西方淨土一門專以念佛一事爲要觀想淨境爲正行以誦大乘經爲引發以發願爲趣向以布施福田爲莊嚴此實古今共繇不論貴賤智愚但能真實下工夫故萬人修行萬人效驗此願大王兩意焉謹將日用修行規則條列如左

一佛爲救度娑婆世界諸苦衆生專說西方極樂淨土法門但專以念阿彌陀佛發願往生彼國有彌陀經一卷便是證明其經中所說都是彼佛及國土境界實事最是明白其修行之方亦有節次如僧家功課之法不必拘套但以念佛爲主每日早起禮佛即誦彌陀經一卷或金剛經一卷即持數珠念阿彌陀佛名號或三五千聲或一萬聲完即對佛回向發願往生彼國語在功課經中此是早功課晚亦如是如此日日以爲定課以作常規定不可缺此法教諸宮眷如法同修更妙此乃我

聖宗仁孝聖母所行垂法宮闈至今不廢者是爲常行也至若爲末後一着大事其做工夫更要親切每日除二時功課之外於二六時中單將一聲阿彌陀佛橫在胸中念念不忘心心不昧把一切世事都不思想但只將一句佛作自己命根咬定牙關決不放捨乃至飲食起居行住坐臥此一聲佛時時現前若遇順逆喜怒哀惱境界心不安時就將這一聲佛提起一擲卽見煩惱當下消滅以念念煩惱是生死苦根今以念佛消滅煩惱便是佛度生死苦處若念佛消得煩惱便可了得生死更無別法若念佛念到煩惱上作得主卽於睡夢中作得主若於睡夢中作得主則於病苦中作得主若於病苦中作得主則於臨命終時分明了了便知去處矣此事不難行只是要一念爲生死心切切單單靠定一聲佛再不別向籌思久久純熟自然得大安樂自在得大歡喜受用斷非世間五欲之樂可比也惟

大王兩意此法便是真實修行捨此更無過此之直捷省事者也切不可聽邪見邪說而忽焉
又

大王若要末後知去向更有一妙法請爲言之其法就念佛心中時時默下觀想想目前生一大蓮華不拘青黃赤白狀如車輪之大觀想華狀分明仍想自身坐在華中鬚臺之上端然不動想佛放光明來照其身作此想時不拘行住坐臥亦不計歲月時只要觀境分明開眼合眼了不昧乃至夢中亦見阿彌陀佛與觀音勢至同坐華中如白日明見若此華想成就便

是了生死之時節也如此直至臨命終時此華現前自見己身坐蓮華中卽有彌陀觀音勢至同接引一念之頃卽得往生西方極樂世界居不退地永不復來受生死之苦此實修行一生了辦之實效也惟此法門非僧譚適佛經中處處開導直捷法門所謂惟有徑路修行但念阿彌陀佛捨此別無妙法矣聞

大王心不求長生但願末後明白除此再無可明白之法也若怕疾病要學調息運氣求却病此非良法若氣不善運返成大病至不可療萬萬不可惑於此也若得念佛一法得入親切其餘總不必畱心矣願

大王着實諦信切莫懷疑

附十念法門（十念者盡一氣爲一念如是十氣名爲十念意在令心不散專精爲功）

無量壽經具四十八願願願度人中云設我得佛十萬衆生至心信樂欲生我國乃至十念若生者不取正覺惟除五逆誹謗正法若此間有人一心稱念阿彌陀佛西方七寶池生蓮華一朵標其姓名死後於其中托生故能精進不懈久久行持臨終阿彌陀佛與菩薩天樂異香一時現前行者便超彼國蓮華中托生隨品高下衣食化成受諸快樂華開見佛得無生法忍居不退地超脫輪迴決無疑矣今以每日早晨焚香合掌向西頂禮念（隨向亦得）

南無阿彌陀佛（十氣十念）

南無觀世音菩薩

南無大勢至菩薩

南無清淨大海衆菩薩（次第各念十聲復念廻向偈一遍）

十方三世佛阿彌陀第一九品度衆生威德無窮盡我今大皈依懺悔三業罪凡有諸福善至心用迴向願同念佛人感應隨時現臨終西方境分明在目前見聞皆精進共生極樂國見佛了生死如佛度一切十方三世一切佛諸尊菩薩摩訶薩摩訶般若波羅

念畢頂禮而退每朝不過一茶之頃便作往生之津梁更如前法修精勤不怠則上上品生矣

佛祖開示念佛

彌陀經言聞說阿彌陀佛執持名號一心不亂其人命終阿彌陀佛現在其前卽得往生極樂國土 觀無量壽佛經言至心念佛一聲滅八十億劫生死之罪 無量壽經言一向專念阿彌陀佛願生彼國必得往生七寶華中住不退轉 文殊般若經言繫心一佛專持名字念念相續卽是念中得見過去現在諸佛 楞嚴經言若衆生心憶佛念佛見前當來必當見佛不假方便自得心開 大彌陀經言念佛之人有四十里光明燭身魔不能犯 寶積經言他方衆生聞阿彌陀如來名乃至能發一念淨信歡喜愛樂所有善根回向願生彼國者隨願往生得不退轉直至成佛 隨願往生經言 普廣菩薩白佛言何爲經中讚歎阿彌陀佛刹七寶

諸樹宮殿樓閣諸願往者皆悉隨彼所欲應念而至佛告普廣汝不解我義娑婆世界人多貪濁信向者少習邪者多不信正法不能專一令諸衆生專心有在是故讚歎彼佛國土諸往生者悉隨彼願無不獲果 目蓮所問經言我說無量壽國易往易取而人不能修行往生返事九十六種邪道我說是人名無眼人名無耳人 十往生經言若有衆生念阿彌陀佛願往生者彼佛卽同二十五菩薩擁護行者一切時一切處不令惡魔鬼神得其便也 智度論言有諸衆生謗般若墮苦趣雖修餘行不能得出後遇知識教行念佛方得出苦 善導大師言漸漸雞皮鶴髮看看行步龍鐘假饒金玉滿堂誰免衰殘老病任汝千般快樂無常終是到來惟有徑路修行但念阿彌陀佛 永明壽禪師言有禪無淨土十人九差路陰境若現前瞥爾隨他去無禪有淨土萬修萬人去但得見彌陀何愁不開悟 古德言若人以四天下七寶供佛其福甚多不如勸人念佛一聲其福勝彼

淨土非被鈍根權說

通判鄭公問思梵講主曰經教中所明念阿彌陀佛願生淨土此莫專爲鈍根方便權說否上根一超佛地豈假他佛之力耶師答曰吾宗先達呵此說云佛世文殊普賢滅後馬鳴龍樹此土智者智覺皆願往生應是鈍根乎釋迦勸父王淨飯并六萬釋種往生應盡是凡器乎若以此爲權將何爲實昔孫莘老亦疑於此因會楊次公王敏仲辨論遂息此疑乃云淨土非聖人

之權設真禪侶之棲止也

辨橫豎二出

洞江法師擇瑛著

豎出者聲聞修四諦緣覺修十二因緣菩薩修六度萬行此涉地位譬如及第須自有才學又如歷任轉官須有功效橫出者念佛求生淨土譬如蔭敍功繇祖父他力不問學業有無又如覃恩普轉功繇國王不論歷任淺深於橫出中有定散二善故善導和尚立專雜二修雜修者謂散漫修諸善業廻向莊嚴也專修者身須專禮阿彌陀佛不雜餘禮口須專稱阿彌陀佛不稱餘號不誦餘經咒意須專想阿彌陀佛不修餘觀若專修者百卽百生千卽千生若雜修者百中或得一兩人生千中或得三五人生

無常迅速

四十二章經言佛問沙門人命在幾間對曰數日間佛言子不知道復問一沙門人命在幾間對曰飯食間佛言子不知道復問一沙門人命在幾間對曰呼吸間佛言善哉子知道矣罪業報應經言水流不常滿火盛不久熱日出須臾沒月滿已復缺尊榮豪貴者亦復過於是人身既易失不須生貪著

摩耶經言譬如旃陀羅驅牛就屠所步步近死地人命復過是

人身難得

提謂經言如有一人在須彌山上以纖縷下之一人在下持針迎之中有旋嵐猛風吹縷難入針孔人身難得甚過於是雜阿含經言爾時世尊以爪甲擎土告諸比丘我甲上土爲多此大地土多比丘白言世尊甲上土甚少耳佛言若諸衆生如得人道者如甲上土墮非人者如大地土

岱自甲子歲獲覩是錄毛骨悚豎欣慕極樂竊賴有所歸依於是曲導 先慈專意向往果於圓寂之際三觀 聖相勝驗異常欲酬 法恩用剛梨棗庶幾廣揚萬一岱閱淨典固非一端求其簡要無踰茲錄矣

崇禎丙子仲冬佛日羊城晚學鍾岱頂禮謹識

跋

竊自遠祖創立廬山宗後歷代知識發揚之淨土書籍業已汗牛充棟美不勝收矣唯恐後人之捷要法語言簡意賅誠爲末法津梁頽流砥柱實非泛泛者可以相提並論茲特



刊以正拙著之譌而揚古人之德惟願淨業同仁咸皆秉承

老人遺教而獲念佛三昧之益以成述而不作之功是則區區之意有所厚望焉耳

佛曆二九五九年藥師古佛誕

日

蜀僧屬提寬靜謹述於江西廬山黃龍寺

中華民國二十一年十二月八日

贈書功德殊勝行

無邊勝福皆回向

普願沉溺諸有情

速往無量光佛刹

非 賣 品



釋提寬靜著

民國二十二年三月出版

捐印各居士芳名

謝慧如居士捐印六百本

陳玄秋居士捐印一百三十本

郭柄樞居士捐印一百本

毛定松居士捐印二百本

楊春華居士捐印一百本

劉慧空居士捐印一百七十本

天泰印務局捐印一百本

余子和居士捐印一百本

漢口老大智門口天泰印務局代印

①

7725513